

# 包氏醫宗

第一集 第五卷

傷寒方講義



# 包氏醫宗第二集

▲內科學瘍科婦人科學附

卷之一

雜病論章節

一冊

卷之二

雜病方法 附歌括

一冊

卷之三

雜病表 附表式

一冊

卷之四

雜病論講義

二冊

卷之五

雜病方講義

一冊

(第二集售價伍圓)

# 包氏醫宗第三集

國醫學粹脈學證論藥方附

卷之一

國醫學粹

一冊

卷之二

脈學

一冊

卷之三

證論

一冊

卷之四

藥方

一冊

(第三集售價四元)



包識先生審訂

男天白繪製

！的確準最      ！的白明最      ！的用切最      ！的美精最

甲組

# 醫學掛圖 包氏

(圖穴經脈經正考新最)

全套四幅。五色彩版精印。分正面背面側面及奇經四種。有骨骼。有皮肉。有脈絡。有經穴。舉凡氣血運行之理。營衛出入之途。以及刺灸之穴。藏府表裏。十分明白。初學者可以借作指南。行醫者亦可備為參考。與近來市品圖粗註誤者。大不相同。且此圖費時十載。易稿六次。始行出版。大小之得宜。印刷之精美。診室會堂。均可懸掛也。

附說明書一冊圖盒一

定價三元特價二元四角寄費國內一角三分遠照加

包天白主編

## 中醫各科問答叢書

欲個人研究中醫學者……不可不讀

欲應中醫檢定考試者……不可不讀

欲投考國醫醫學校者……不可不讀

欲知教師出何試題者……不可不讀

欲教授生徒作參考者……不可不讀

衛生概要

內難概要

傷寒概要

溫熱概要

婦科概要

喉科概要

本草概要

古方概要

本書第一集共計八科

凡八百餘百計三十餘萬言  
有問答二千餘條成方四百餘種

定價全集國幣貳元

特價一元六角寄費國內一角三分

總發行所 上海中國醫藥社



# 傷寒方講義目錄

第一章 緒言

第二章 傷寒方之主藥

第三章 主方

第四章 單方

第五章 偶方

第六章 複方

第七章 合方

第八章 加減方

第一節 芍藥甘草湯

第三節 桂枝湯

第二節 桂枝甘草湯

第四節 柴胡湯



第五節 麻黃湯

第七節 承氣湯

第九節 陷胸湯

第十一節 四逆湯

第十三節 真武湯

第十五節 五苓散

第九章 六經方

第十章 六淫方

第十一章 陰陽表裏寒熱虛實方

第十二章 方義

第六節 越婢湯

第八節 抵當湯

第十節 瀉心湯

第十二節 理中湯

第十四節 白虎湯

第十六節 梔子豉湯

傷寒方講義目錄終



# 傷寒方講義

閩杭包一虛識生氏著

男天白孫應申校字

## 第一章 緒言

傷寒論一百十有二方。雜病論一百四十三方。統稱之爲經方。乃仲聖所著。爲方書之鼻祖。功效奇著。迥非後人所作時方可與比倫。數千年來。習醫者莫不奉爲金科玉律。其採用藥品。雖取材於本經。然間亦有爲本經所未錄者。且其性格又自成一派。治病效能。往往與本經藥性不符。各藥經其配成方劑。施之於病。功效捷如影響。其分兩更神妙不可思議。如桂枝湯治有汗中風之太陽病也。加重芍藥。則變爲治腹痛下利之太陰病矣。加桂則治奔豚病矣。加芍飴則爲補中之品。加芍黃則爲攻腐之方。又如四逆加重薑附。則變爲通脈。去甘草則爲乾薑附子湯矣。藥味之增減。分兩之輕重。差之毫釐。失之千里。誠神乎其神矣。後世方書。多有不註分兩者。醫生臨證處方。亦任意填寫。藥肆售藥。更輕重不符。如大承氣。本四黃八樸五枳三芒。時俗竟有用六分川樸。錢半枳實。三錢元明粉。二錢大黃。而敢大誇其口曰。今日某姓病。某用大承氣矣。其實調胃之不若也。桂枝湯本桂芍同等。乃有已用白芍三錢。復用桂枝三分者。愈病



南京中醫藥大學圖書館藏

乎增病乎。又今之所謂讀仲景書。用經方者。大黃、石膏、黃芪、潞黨、附子、乾薑。竟有用二三兩。而至於一二斤者。請問古戩。如是乎。古方。如是乎。人乎。獸乎。是固一則不及。膽小如鼷。一則太過。心狼如狼。嗚乎。稟蒼人命。誰之過歟。吾中醫藥之退化。有江河日下之勢者。未始非若輩有以致之也。識生幼承庭訓。改儒習醫。十一齡。卽讀經方歌括。繼而傷寒雜病。而內難各書。至廿歲。遂出而問世。迄今近三十年。所處方藥。莫不謹遵成法。若方與證符。則投之厥疾頓瘳。捷如桴鼓。從不敢減少。加多於其間。偶或隨意加減。而試驗結果。總不若原方之靈而且速。此則學問粗淺。初未窺得仲聖立方之堂奧也。故作傷寒章節時。對於經方。未敢著一字。作傷寒講義時。雖粗知經方門徑。間一論評。然猶恐學術未精。一字之差。殺人無數。講義之編輯。仍未敢率爾操觚也。今也。年將半百。精力日衰。時不我待矣。益以傷寒諸著。皆已殺青。獨經方講義。尙付闕如。常耿耿胸臆間。不得已。乃秉其歷年教授諸生之所得者。再事推敲。日夜思維。三月始胸有成竹。二旬而初稿粗具。乃以諸務紛繁。無暇刪易。倉卒付印。錯誤難免。還希海內外賢達。有以教正之。則不但識生之幸。亦中國醫界前途之幸也。

## 第二章 傷寒方之主藥

甘草

川椒

飴糖

竹葉

石膏

連翹

梔子

桂枝 半夏 吳萸 茵陳 梓白皮 白頭翁 秦皮  
 白芍 龍骨 牡蠣 薏苡仁 赤小豆 葛根 花粉  
 人蔘 阿膠 雞子黃 蜜糖 豬膚 桔梗 貝母  
 肉桂 厚樸 枳實 知母 黃柏 旋覆花 代赭石  
 麻黃 細辛 蟲蟲 水蛭 桃仁 天冬 麥冬 葱白 薤白  
 大黃 芒硝 甘遂 大戟 玉竹 粳米 豬膽汁 人尿  
 豬苓 澤瀉 萹花 芫花 當歸 熟地 鉛丹  
 滑石 木通 商陸 海藻 赤石脂 禹餘糧 巴豆  
 甜瓜蒂 淡豆豉 附子 乾薑 五味子 烏梅 苦酒 升麻  
 柴胡 蜀漆 黃芩 黃連 瓜蒌實 火麻仁 文蛤  
 生姜 大棗 茯苓 白朮 杏仁 葶藶 槲櫟

傷寒論一百十有二方。其藥味祇八十八種。最常用者。不過十份之二三。治療各證。不以本草主治為範圍。而以內經辛甘發散為陽。酸苦湧泄為陰。陰味出下竅。陽氣出上竅。味厚者為陰。薄為陰之陽。氣厚者為陽。薄為陽之陰。味厚則泄。薄則通。氣薄則發泄。厚則發熱。壯火之氣衰。少火之氣壯。壯火食氣。氣食少。





火壯火散氣。少火生氣。寥寥百數十字。包含諸方之效能。合以本草溫平寒熱四氣之作用。及氣血藏府攻補升降各主藥。錯綜變化。可統治百病。若以本草之主治。證之經方。則不啻張冠李戴。風馬牛不相及矣。故醫者當知經方自有經方之妙用。散見於傷寒雜病論之間。萬不可以本草之主治。強合經方之主治也。

觀上所表各藥之性。極其簡單。且每一主治。藥味有二。亦有數藥單用者。如甘草緩中和百藥。桂枝之扶陽益衛。芍藥之歛陰調營。合而用之。爲調營益衛。且爲衆方之主腦。人棧之養陰生津。肉桂之回陽補火。麻黃細辛之發汗。大黃芒硝之通大便。猪苓澤瀉滑石木通之利小便。瓜蒂豆豉之取吐。柴胡蜀漆之和解。生姜大棗川椒飴糖之溫中。半夏吳萸之降逆。龍骨牡蠣之潛陽。阿膠雞子黃之養血。厚樸枳實之破氣。蟲蟲水蛭桃仁之攻血。甘遂大戟萆薢花芫花商陸海藻之攻水。附子乾薑之驅寒。黃芩黃連之瀉火。茯苓白朮之制水。竹葉石膏之清熱。茵陳梓皮苳仁赤豆之除溼。蜜糖猪膚之潤燥。知母黃柏之滋水。天冬麥冬玉竹粳米之生津液。當歸熟地之補血。赤石脂禹餘糧之固澇。五味子烏梅苦酒之收斂。瓜萆實火麻仁之潤腸。杏仁葶藶之瀉肺。連翹梔子之清三焦熱。白頭翁秦皮之瀉肝熱。葛根花粉之清肌熱。桔梗貝母之開肺氣。旋覆花代赭石之平肝氣。葱白薤白之通陽。猪膽人尿之潛陰。鉛丹之鎮。巴豆之通。升麻之和。文蛤之發汗。棍襠之利尿是也。何等簡切。然而配合成方。則千變萬化矣。上者能使之下。內者能使

之外。或數味共一方。或一味而數用。治病之功效。靈而且速。傷寒雜病之方。皆以此等藥為基礎。神乎其神。非聖人誰能若是也。

## 第二章 主方

傷寒。病在六經之營衛表裏。故其方以陰陽汗下為主體。變化莫測。雖藥同而分兩異者。有差之毫釐。失之千里之慮。雜病。病在藏府寒熱之虛實。故其方以溫涼攻補為主體也。各方有各方之專長。各藥有各藥之效用。不能假借者也。方以傷寒為主。雜病副之。故雜病每引用傷寒之方。傷寒則無須雜病之方輔佐也。

芍藥甘草湯

麻黃湯

陷胸湯

真武湯

桂枝甘草湯

越婢湯

瀉心湯

白虎湯

桂枝湯

承氣湯

四逆湯

五苓散

柴胡湯

抵當湯

理中湯

梔子豉湯

傷寒之主方。概別之為十六種。其宗旨以陰陽表裏寒熱虛實八字定之。夫病證多端。治法不一。揆其訣要。莫不以此八字為綱領。按芍藥甘草。桂枝甘草。陰陽之主方也。桂枝。柴胡。麻黃。越婢。承氣。抵當。陷胸。瀉



心表裏之主方也。四逆理中眞武白虎寒熱之主方也。五苓梔子虛實之主方也。推而廣之。陰陽中有寒熱表裏虛實。表裏中有陰陽寒熱虛實。寒熱中有陰陽表裏虛實。虛實中有陰陽表裏寒熱也。手變萬化。不離此陰陽表裏寒熱虛實八字。醫者能成竹在胸。則統治萬病之道。如斯而已矣。又按芍藥甘草湯陰虛養陰之方也。桂枝甘草湯陽虛扶陽之方也。桂枝湯調營衛之虛熱。柴胡湯和氣血之實熱也。麻黃湯表實散寒之方也。越婢湯表實清熱之方也。承氣湯陽氣實破氣之方也。抵當湯陰血實破血之方也。陷胸湯爲攻寒水之良方。瀉心湯爲瀉熱火之妙藥。四逆治裏寒之實。理中治裏寒之虛。眞武治表熱之虛。白虎治表熱之實。五苓散宣三焦之陽實。梔子豉清三焦之陰虛。此又爲陰陽表裏寒熱虛實之變化者也。更有變不盡變化不勝化。則在醫者聰慧博學矣。

## 第四章 單方

諺云。單方一味。氣煞名醫。誠哉。單方治病之靈而且速也。按上古時代。概以單方治病。其後醫術日進。藥味日增。漢唐以迄明清。藥味之日增也。班班可考。今之西醫。猶在單方時代。合方甚尠也。觀其每治一病。藥瓶紙盒。累累几案間。竟有多至十餘種藥味者。較之中醫之時代。當在秦漢間也。故西醫治單純證。往往有特效之處。與中醫之單方效力等。然六經之寒熱病。非單純之方可治。試觀經方之配合。其理便明。

瞭也。

甘草湯

甘草

文蛤散

文蛤

燒棍散

燒棍

一物瓜蒂湯

瓜蒂

皂莢丸

皂莢

訶黎勒散

訶黎勒

雞屎白散

雞屎白

紅藍花酒

紅藍花

蜜煎導方

蜜

猪膽汁方

猪膽

【甲】

【乙】

甘草乾薑湯

乾薑

甘草

芍藥甘草湯

芍藥

甘草

桂枝甘草湯

桂枝

甘草

大黃甘草湯

大黃

甘草

甘草麻黃湯

麻黃

甘草

藜蘆甘草湯

藜蘆

甘草

桔梗湯

桔梗

甘草

紫葳湯

紫葳

甘草

經方中內服單方凡八。外用凡二。皆一味也。且不用甘草棗蜜等和緩其性。單刀直入。功力尤勝。如甘草之歛陰潤燥。文蛤之通陽發汗。燒棍之利尿。瓜蒂之清暑取吐。皂莢之化痰。訶黎勒之固塞。雞屎白之疎肝。紅藍花之活血。以單純之藥。治單純病者也。至蜜煎導猪膽汁二方。則外用通大便之方也。因液涸體



虛不能攻。故用外導之法也。

乙種八方。傷寒雜病各四。亦單方也。甘草不過和味而已。與西藥加糖漿同一意義。又與飲食時加糖鹽配味一樣。按傷寒諸方。與雜病有異。雜病見病治病。用甘草者不多。傷寒則有陰陽變化。多有甘草加入也。如甘草乾薑之回陽。芍藥甘草之救陰。桂枝甘草之扶陽。大黃甘草之瀉火。甘草麻黃之發汗。藜蘆甘草之吐痰。桔梗甘草之宣肺氣。紫葳甘草之清肺血也。雖各方皆有甘草。不以甘草治病。而以各藥主治為君。且各方之配合。又多以此種單方為主藥也。

### 第五章 偶方

四逆湯

乾薑

甘草

附子

調胃承氣湯

大黃

甘草

芒硝

芍藥甘草附子湯

芍藥

甘草

附子

梔子甘草淡豉湯

梔子

甘草

淡豆豉

半夏散及湯

半夏

甘草

桂枝

麻黃附子甘草湯

麻黃

甘草

附子



杏子湯

麻黃

甘草

杏子

甘草粉蜜湯

白粉

甘草

白蜜

甘麥大棗湯

小麥

甘草

大棗

赤石脂禹餘糧湯

赤石脂

禹餘糧

瓜蒂散

甜瓜蒂

赤小豆

苦酒湯

生半夏

苦酒

豬膚湯

豬膚

蜜

白粉

桃花湯

赤石脂

粳米

乾薑

右列凡十四方。皆所謂偶方也。或一方一性。或一方二性。得甘草之緩和。則二藥之功力。不致各走極端。合成一氣。無先後緩急之弊。如軍旅之有司令。或合力攻邪。或分頭擊敵。戰無不勝。病無不治矣。如四逆之驅寒。內外之陽回矣。調胃之瀉熱。內外之陰復矣。芍藥甘草附子。扶陽又救陰。梔子甘草淡豉。清熱又催吐。半夏散及湯。升陽兼破水。麻黃附子甘草之溫陽扶正。發汗驅邪。杏子湯之發汗消腫。甘草粉蜜之殺蟲止痛。甘麥大棗之培土生金而潤肺。藥雖一二味。功力却不遜也。

按赤石脂禹餘糧湯。瓜蒂散。苦酒湯三方。不用甘草之偶方也。或二味同功。或二味異治。至豬膚湯。桃花



湯。雖不用甘草之和緩。而換以蜜米。其理亦猶甘草耳。

# 第六章 複方

桂枝湯

桂枝 生薑 甘草 大棗 芍藥

越婢湯

麻黃 生薑 甘草 大棗 石膏

真武湯

附子 生薑 白朮 茯苓 芍藥

小青龍湯

麻黃 細辛 桂枝 乾薑 甘草 半夏 芍藥 五味

麻黃連軛赤豆湯

麻黃 杏仁 連軛 生薑 甘草 大棗 赤豆 梓皮

小柴胡湯

柴胡 黃芩 生薑 甘草 大棗 人蔘 半夏

大承氣湯

大黃 川樸 枳實 芒硝

大陷胸丸

甘遂 大黃 葶藶 杏仁 芒硝 白蜜

烏梅丸

當歸 烏梅 細辛 黃連 黃柏

蜀椒 桂枝 附子 乾薑 人蔘

麻黃升麻湯

麻黃 升麻 桂枝 甘草 芍藥



黃芩 玉竹 知母 石膏 天冬

當歸 茯苓 白朮 乾薑

奇方偶方之外。又有複方。奇方單味也。偶方雙味也。複方多味也。然藥雖多味。而其方藥同一功效者。亦可稱單方。藥雖多味。而其方藥祇二種功效者。亦可稱偶方也。又藥雖二三味。而其功效有二三功效者。亦複方之類也。按複方不論藥味之多少。必具有三種以上之功效者。方可稱為複方也。但傷寒之複方少。雜病之複方多。上例十方。略舉大概而已。不過吾人欲明瞭配方之法耳。又按雜病之複方甚多。今不多論。能明白烏梅丸。麻黃升麻二方之意義。則雜病之制方大概然也。

桂枝湯。藥雖五味。功力在桂芍二味也。以桂枝甘草之辛甘益衛。芍藥甘草之苦甘調營。大棗生薑。不過引藥出表。為太陽頭項皮膚之主藥耳。越婢適得其反。除桂芍而換麻膏。桂之扶陽者。而變為石膏之清陽矣。芍藥之調營者。而變為麻黃之攻營矣。虛變實。補變攻。至生薑大棗。仍是出表也。故越婢治溼治水。與桂枝之治熱治汗。立於反對地位也。按桂枝名陽旦。是童子也。越婢童女也。婢而曰越。是不甘雌伏而作雄飛。對外服務。治表上溼病水腫之功。他方力莫與京矣。先師製方。諸多類是。深奧難測也。眞武。青龍。水神也。赤地千里。草木焦枯。必藉青龍之騰雲致雨。而得春回甘露。洪水橫流。泛濫中國。必假眞武之左龜右蛇。而始海不揚波。夫寒水之內藏也。表實無汗。故青龍能發汗。寒水之外溢也。表虛多汗。





故真武能止汗也。然真武之制方亦猶桂枝之意。不過升降各異耳。桂枝芍藥功在營衛。能驅由表內侵之邪風。附子芍藥功在陰陽。能納由裏外逃之正氣。桂枝有生薑大棗之溫中助汗以驅邪。真武有生薑苓朮之培土制水以安正。桂枝之用草。欲其甘味合化之機。真武不用草。取其淡味宣通之義也。小青龍治藏府之寒水。與大青龍治軀壳之寒水者有別。故其制方不走表而走裏。故不用生薑大棗之太陽主藥。而用酸苦爲陰之芍味也。復用桂甘之佐衛。芍甘之扶營。乾薑之驅寒。半夏之降水。再以麻黃細辛散表裏之邪水。得芍藥五味之斂陰。則其藥內降。而可治胸腹之飲水。寒邪從小便而出也。是則真武小青龍雖同治寒水之證。從裏而解。但其一虛一實。則大相徑庭矣。

麻黃連軹赤小豆湯。治表上之溼熱者也。故用生薑大棗之皮膚主藥。復用麻杏宣肺氣以利水道。而邪從汗尿而出。更有梓白皮赤小豆之除溼。但溼已挾熱。有連軹之清三焦。始面面俱到。完成一方也。柴胡有大小。半表裏病之有從表從裏解也。小柴可使樞邪從表而解。不汗而能汗之方也。大柴可使樞邪從裏而解。非下而可下之方也。不過棧草換枳芍而已。二方俱用薑棗者。樞邪之往寒。當以外散。二方俱用柴芩者。樞邪之來熱。必以內消也。木鬱作嘔逆。有半夏之降逆舒鬱。一則用人棧之救陰養營。甘草之甘緩培土。增重辛甘化陽之力。使內侵之邪。仍從外轉。一則用枳實之瀉陽破衛。芍藥之苦泄疎木。增重苦甘化陰之功。使內侵之邪。當從裏解也。且炎炎相火。最易傷陰。所以二方之棧芍。不能不未雨綢繆。

也。

承氣陷胸抵當瀉心四方。皆裏證之方也。四方皆同一制法。論二則知其四。論此必兼其彼。承氣氣病也。抵當血病也。陷胸水病也。瀉心火病也。氣血水火俱結在裏。裏病又當從裏解。故以通大便爲主。所以大黃芒硝皆必用之藥也。惟瀉心則少用。或可不用何也。因心火內結之瀉心證。多大便溏薄也。故六瀉心中祇三用之而已。按承氣氣病也。配以厚樸枳實。抵當血病也。配以蝨蟲水蛭。陷胸水病也。配以甘遂半夏葶藶杏仁。瀉心火病也。專以黃芩黃連爲主。而可見證加減。或加薑。加附加夏。加草。加大黃。故又有五瀉心也。

烏梅丸。厥陰肝藏專主之方也。厥陰爲絕陰之地。中含少陽。母子相連。互相利害。故厥陰方多寒熱互用。職是故耳。已用附子乾薑蜀椒之熱。復用黃連黃柏之寒。熱厥陰所欲也。寒少陽所喜也。更用桂枝之升陽益衛。人蓂之納陰扶營。有細辛之驅風。有烏梅之斂氣。當歸引藥入肝。則陰者陰。陽者陽。散者散。收者收。熱者熱。寒者寒。而木火之氣血調矣。火藏矣。風平矣。

麻黃升麻湯。治厥陰血分傷寒之方也。方以麻名。發汗可知矣。其證多端。故其藥亦駁雜。法類麻黃。則缺杏。方似桂枝。則除棗。藥如白虎。又無粳。湯若理中。又少蓂。是則假麻黃之發汗驅邪。桂枝之調營和衛。白虎之清熱生津。理中之驅寒培土。而木邪之升降出入。錯亂不明者。全靠四方之發汗也。止利也。清熱也。

溫厥也。更加當歸之引藥入經。升麻之透邪外出。黃芩之瀉火涼血。竹冬之滋水生津。茯苓之制水利尿也。則血分清。寒邪罷。而上吐下利。出熱入厥。諸疾悉愈也。按以上十方。略舉傷寒方之大概而已。至若詳細之解剖。當參合他章。醫者能一隅三反。以此爲法規。則傷寒雜病諸方。亦不過如斯而已矣。

## 第七章 合方

桂枝麻黃各半湯

桂枝二麻黃一湯

桂枝二越婢一湯

桂枝去桂加茯苓白朮湯

大青龍湯

柴胡桂枝湯

厚樸七物湯

桂甘薑棗麻辛附子湯

病有併病。方有合方。乃事有必至。理有固然者也。傷寒合方。雖寥寥五六種。然推而廣之。一百十有二方。無不可合者也。按合方治併病者也。加減方治兼病者也。有名合而藥不合者。如葛根黃芩黃連湯等是也。有名不合而藥實合者。如大青龍湯等是也。更有全方俱合者。如桂枝麻黃各半湯是也。有不全方合者。如桂枝去桂加苓朮等是也。有各半合者。二份一份合者。變而通之。九一、八二、三七、四六俱可合也。視



其病之輕重而已。桂枝麻黃各半湯。柴胡桂枝各半湯。邪正虛實平均之方也。桂二麻一。桂二婢一。虛多實少之方也。厚樸七物湯。裏實表虛之方也。桂甘薑棗麻辛附子湯。表虛裏實之方也。桂枝去桂加苓朮。表裏俱虛之輕方也。故桂枝更去桂。真武更去附。虛而又虛。輕而更輕之方也。大青龍。營衛俱實之重方也。故越婢猶嫌不足。再加麻黃。實而又實。重而更重之方也。醫者能知合方之精義。一隅三反。變化措施。病無不治矣。

## 第八章 加減方

### 第一節 芍藥甘草湯

芍藥甘草湯

芍藥甘草附子湯

黃芩湯

四逆散

甘遂半夏湯

▲附用芍諸方

芍藥 甘草

芍藥 甘草

芍藥 甘草

芍藥 甘草

芍藥 甘草

甘草

甘草

甘草

甘草

甘草

大棗

大棗

大棗

柴胡

半夏

桂枝湯 桂枝加葛根湯 桂枝加附子湯 桂枝麻黃各半湯 桂枝二麻黃一湯 桂枝二越  
 婢一湯 桂枝去桂加茯苓白朮湯 葛根湯 葛根加半夏湯 小青龍湯 桂枝加厚樸杏仁  
 湯 新加湯 眞武湯 小柴胡湯加芍藥 小建中湯 大柴胡湯 桂枝加桂湯 柴胡桂枝  
 各半湯 黃芩加半夏生薑湯 麻仁丸 桂枝加芍藥湯 桂枝加大黃湯 黃連阿膠湯 附  
 子湯 通脈四逆湯加芍藥 當歸四逆湯 當歸四逆加吳薑湯 麻黃升麻湯 括樓桂枝湯  
 鼈甲煎丸 桂枝芍藥知母湯 黃芪桂枝五物湯 桂枝龍骨牡蠣湯 黃芪建中湯 薯蕷  
 丸 大黃廔蟲丸 小青龍加石膏湯 奔豚湯 烏頭桂枝湯 芪芍桂酒湯 桂枝加黃芪湯  
 王不留行散 排膿散 桂枝茯苓丸 膠艾湯 當歸芍藥散 當歸散 枳實芍藥散 溫  
 經湯 土瓜根散

芍藥甘草湯。苦甘化陰之方也。所謂化陰者。卽生寒藥也。寒生則陰足。血也。水也。藏也。下降也。皆所謂陰。  
 莫不以此方爲主方也。又此方爲治發汗傷陰。陰虛救陰之方。加附子。名爲芍藥甘草附子湯。治發汗傷  
 太陽之表氣。反惡寒者。陰陽俱傷之方也。加黃芩大棗。名黃芩湯。治邪傷少陽相火。協熱下利。瀉火之方  
 也。加枳實柴胡。名四逆散。治少陰樞邪熱利。清熱之方也。加甘遂半夏。名甘遂半夏湯。治雜病留飲。下利  
 破飲之方也。

觀上五方皆以化陰為主。救陰也。清血也。瀉火也。皆藉芍藥之力。化陰之功。故能下降入裏也。經曰。酸苦湧泄爲陰。又曰。陰味出下竅。味厚爲陰。味厚則泄。卽此義也。更有其他方藥用芍藥者。亦同此義。如桂枝湯用芍調營也。去芍欲其出表。不欲下降入陰也。加芍欲其下降入陰。治太陰腹痛下利也。新加湯加芍救陰也。小青龍用芍。欲其走裏之力大也。眞武湯用芍。入陰經水藏也。又下利去芍。陰寒盛也。小建中加芍。補血也。小柴胡腹痛加芍。入太陰也。大柴胡用芍。欲其下降發泄也。救逆湯去芍。上升救表陽也。桂枝附子去芍。治表溼也。麻仁丸用芍。下降發泄也。附子湯用芍。入水藏養陰也。當歸四逆麻黃升麻用芍。欲其入血分厥陰也。其他用芍莫不如是。由是觀之。仲師用芍之義。瞭若指掌矣。

## 第二節 桂枝甘草湯

桂枝甘草湯

麻黃湯

苓桂草棗湯

苓桂朮甘湯

茯苓甘草湯

桂枝

麻黃

茯苓

茯苓

茯苓

甘草

甘草

甘草

甘草

甘草

杏仁

大棗

白朮

生薑

桂甘龍蠣湯

龍骨

桂枝

甘草

牡蠣

甘草附子湯

附子

桂枝

甘草

白朮

半夏散及湯

半夏

桂枝

甘草

防己地黃湯

防己

桂枝

甘草

防風

生地

防己茯苓湯

茯苓

桂枝

甘草

防己

黃芪

苓桂味草湯

茯苓

桂枝

甘草

五味

▲附用桂諸方

桂枝湯

桂枝加葛根湯

桂枝加附子湯

桂枝去芍藥湯

桂枝去芍加附子湯

桂枝麻黃

各半湯

桂枝二麻黃一湯

桂枝二越婢一湯

桂枝去桂加茯苓白朮湯

葛根湯

大青龍

湯 小青龍湯

桂枝加厚樸杏仁湯

新加湯

五苓散

小建中湯

桃核承氣湯

柴胡龍

骨牡蠣湯

桂枝去芍藥加蜀漆牡蠣龍骨救逆湯

桂枝加桂湯

柴胡桂枝湯

柴胡桂枝乾

薑湯

桂枝人蔘湯

黃連湯

桂枝附子湯

桂枝附子去桂加白朮湯

炙甘草湯

桂枝加

芍藥湯

桂枝加大黃湯

烏梅丸

當歸四逆湯

當歸四逆加吳茱萸生薑湯

麻黃升麻湯

理中去朮加桂

栝樓桂枝湯

麻黃加朮湯

鼈甲煎丸

白虎加桂枝湯

侯氏黑散

風



引湯 桂枝芍藥知母湯 黃芪桂枝五物湯 桂枝龍骨牡蠣湯 天雄散 黃芪建中湯

積丸 澤漆湯 小青龍加石膏湯 枳實薤白桂枝湯 桂枝生薑枳實湯 厚樸七物湯

頭桂枝湯 木防己湯 木防己去石膏加茯苓芒硝湯 芩芍桂枝苦酒湯 桂枝加黃芪湯

桂甘薑棗麻辛附子湯 茯苓澤瀉湯 蜘蛛散 桂枝茯苓丸 竹葉湯 竹皮大丸 溫經湯

土瓜根散 腎氣丸

桂枝甘草湯。辛甘化陽之方也。所謂化陽者，即生熱藥也。熱生則陽旺。氣也。火也。府也。上升也。皆所謂陽莫不以此方為主方也。又此方為治發汗傷陽。陽虛扶陽之方也。加麻黃杏仁。名麻黃湯。治傷寒無汗表實。引藥出表。發汗之方也。加茯苓大棗。名苓桂草棗湯。治汗傷腎陽氣衝之方也。加茯苓白朮。名苓桂朮甘湯。治汗傷肝陽氣衝之方也。加茯苓生薑。名茯苓甘草湯。治汗傷三焦之陽。汗出不渴。陽虛扶陽之方也。加龍牡。名桂甘龍蠣湯。治火傷表陽。潛陽之方也。加附子白朮。名甘草附子湯。治風溼骨痛身腫。升陽驅溼之方也。加半夏。名半夏散。及湯。治少陰寒格咽痛。升陽降水之方也。加防己。防風地黃。名防己地黃湯。治血熱發狂。升陽涼血之方也。加茯苓五味。名苓桂味草湯。治破飲傷陽。厥逆氣衝。欬陽之方也。加防己茯苓黃芪。名防己茯苓湯。治風水汗出表虛。扶陽之方也。

觀上十一方。皆以化陽為主。扶陽也。溫氣也。逐水也。皆藉桂枝之力。化陽之功。故能上升出表也。經曰。辛





甘發散爲陽。又曰。陽氣出上竅。氣厚爲陽。氣厚發熱。卽此義也。更有其他方藥用桂枝者。亦同此義。如桂枝湯用桂。益衛也。去桂。欲其入裏。不欲上升出陽也。加桂。欲其走表之力大也。大青龍之用桂。欲其出表也。五苓散用桂。宣發陽氣也。桃仁承氣用桂。走太陽經也。柴胡龍骨牡蠣用桂。升陽出表也。救逆湯用桂。救表上亡陽入裏也。桂枝加桂。火傷腎陽氣衝陽越納陽也。柴胡桂枝乾薑湯用桂。表陽虛也。桂枝人蔘用桂。升中焦之陽也。黃連湯用桂。腹寒無陽也。桂枝附子用桂。寒溼在表也。又去桂加朮。寒溼在裏也。炙甘草湯用桂。引陽外出也。復脈也。當歸四逆用桂。從陰轉陽也。麻黃升麻用桂。發表也。理中去朮加桂。腎氣動納陽也。至若雜病諸方用桂。莫不皆同。如自括樓桂枝湯至腎氣丸止。或升陽。或扶陽。或溫煖。或驅寒。皆以化陽是尙。由是觀之。桂枝之與芍藥。一扶陽。一救陰。兩相對偶。凡陰陽升降表裏氣血諸方。莫不惟桂芍之力所左右也。醫者能明白二藥之功效。則經方之義。思過半矣。

### 第三節

### 桂枝湯

桂枝湯

桂枝

生薑

甘草

大棗

芍藥

桂枝加葛根湯

葛根

桂枝

生薑

甘草

大棗

芍藥

桂枝加附子湯

附子

桂枝

生薑

甘草

大棗

芍藥

桂枝去芍藥湯

桂枝

生薑

甘草

大棗

桂枝去芍加附湯

附子

桂枝

生薑

甘草

大棗

桂枝去桂加苓朮湯

茯苓

桂枝

生薑

甘草

大棗

芍藥

白朮

葛根湯

葛根

桂枝

生薑

甘草

大棗

芍藥

麻黃

葛根加半夏湯

葛根

桂枝

生薑

甘草

大棗

芍藥

麻黃

半夏

小青龍湯

半夏

桂枝

生薑

甘草

大棗

芍藥

麻黃

細辛

乾薑

五味

桂枝加樸杏湯

厚樸

桂枝

生薑

甘草

大棗

芍藥

杏仁

新加湯

人參

桂枝

生薑

甘草

大棗

芍藥

小建中湯

飴糖

桂枝

生薑

甘草

大棗

芍藥

救逆湯

龍骨

桂枝

生薑

甘草

大棗

牡蠣

蜀漆

桂枝加桂湯

牡桂

桂枝

生薑

甘草

大棗

芍藥

桂枝附子湯

附子

桂枝

生薑

甘草

大棗

桂枝附子去桂湯

附子

桂枝

生薑

甘草

大棗

白朮

炙甘草湯

生地

桂枝

生薑

甘草

大棗

阿膠

麻仁

麥冬

人參



南京中醫藥大學  
1964  
版權所有

桂枝加芍藥湯

桂枝 生薑 甘草 大棗 芍藥

桂枝加大黃湯

大黃 桂枝 生薑 甘草 大棗 芍藥

當歸四逆湯

當歸 桂枝 甘草 大棗 芍藥 細辛 木通

當歸四逆加吳薑湯

當歸 桂枝 生薑 甘草 大棗 芍藥 細辛 木通 吳薑

括樓桂枝湯

括樓根 桂枝 生薑 甘草 大棗 芍藥

桂枝芍藥知母湯

知母 桂枝 生薑 甘草 芍藥 麻黃 附子 防風 白朮

黃芪桂枝五物湯

黃芪 桂枝 生薑 甘草 大棗 芍藥

桂枝加龍骨牡蠣湯

龍骨 桂枝 生薑 甘草 大棗 芍藥 牡蠣

黃芪建中湯

黃芪 桂枝 生薑 甘草 大棗 芍藥 飴糖

烏頭桂枝湯

烏頭 桂枝 生薑 甘草 大棗 芍藥

桂枝加黃芪湯

黃芪 桂枝 生薑 甘草 大棗 芍藥

▲附用薑棗諸方

桂枝麻黃各半湯

桂枝二麻黃一湯 桂枝二越婢一湯

大青龍湯 小柴胡湯 大柴胡湯

柴胡加芒硝湯

柴胡龍骨牡蠣湯 柴胡桂枝各半湯

生薑瀉心湯 旋覆代赭石湯 黃



芩加半夏生薑湯 麻黃連軛赤小豆湯 吳茱萸湯 射干麻黃湯 越婢湯 越婢加半夏湯  
越婢加朮湯 厚樸七物湯 桂甘薑棗麻辛附子湯 文蛤湯 橘皮竹茹湯 排膿湯  
葉湯

▲附用棗不用生薑諸方

芩桂草棗湯 半夏瀉心湯 十棗湯 甘草瀉心湯 黃芩湯 黃連湯 甘草瀉心加人參湯  
薯蕷丸 麥門冬湯 葶藶大棗湯 附子粳米湯 甘麥大棗湯

▲附用生薑不用棗諸方

樸薑夏草人參湯 茯苓甘草湯 梔子生薑湯 眞武湯 桂枝芍藥知母湯 澤漆湯 奔豚湯  
橘枳生薑湯 桂枝生薑枳實湯 當歸生薑羊肉湯 小半夏湯 小半夏加茯苓湯 茯苓澤瀉湯 生薑半夏湯 橘皮湯 半夏厚樸湯 溫經湯

桂枝湯。傷寒第一張藥方也。治有汗中風之證。是合桂枝甘草湯辛甘化陽。芍藥甘草湯苦甘化陰二方而成也。故能治陽浮之發熱。陰弱之汗出。陰陽俱虛之營衛並病之方也。再加太陽經之主藥生薑大棗。完成一方。變化無窮。治證最廣。本方之主證。凡二十三條。加減變方。凡二十八種。出神入化。爲傷寒之主方也。



桂枝加葛根以清肌熱。恐項背強。几几化燥也。桂枝加附子以固腎陽。恐汗多亡陽也。桂枝去芍藥以去  
出下竅之力。使內陷胸滿之表邪得桂枝出上竅之力。仍從表解也。桂枝去芍加附以溫表虛之惡寒。求  
冷也。桂枝去桂加苓朮以去上升之力。合真武以制水。表裏並治之方也。加葛根麻黃名葛根湯。以治表  
實中風清熱發汗也。更加半夏以降上逆之嘔也。桂枝去薑棗加半夏五味麻黃細辛名小青龍。使藥不  
走表而走裏。以去胸中之邪水也。桂枝加樸杏以治營血虛衛氣實也。桂枝加重芍薑再加人蔘名新加  
湯。以汗傷陰液。救陰之方也。桂枝加重芍藥更加飴糖名小建中。以使入腹補中氣也。桂枝去芍加蜀漆  
牡蠣龍骨名救逆湯。以出表潛陽。治火逆陽越也。桂枝加桂以增加上升之力。救表上之火逆陽亡也。桂  
枝去芍加附更加桂名桂枝附子湯。以治寒溼在表也。桂枝附子去桂加朮或不去桂以治表裏之寒溼  
也。桂枝去芍加生地人蔘阿膠麻仁麥冬名炙甘草湯。以治燥傷陰液脈結復脈也。桂枝加重芍藥名桂  
枝加芍藥湯。以增重下降之力。使入太陰。治腹痛下利也。桂枝加重芍藥更加大黃名桂枝加大黃湯。以  
增發泄之力。去腐穢也。桂枝去薑加當歸細辛木通名當歸四逆湯。以入厥陰驅邪也。更加吳萸生薑名  
當歸四逆加吳萸薑湯。溫中驅寒也。桂枝加括樓根名括樓桂枝湯。以清肌熱治柔瘳也。桂枝去棗加知母  
麻黃附子防風名桂枝芍藥知母湯。以治歷節營實肢節疼痛也。桂枝去甘草加黃芪名黃芪桂枝五物  
湯。以增上升之力。治皮膚不仁血痺之方也。桂枝加龍骨牡蠣名桂枝龍骨牡蠣湯。以調營衛潛浮陽治

虛勞失精之方也。桂枝加芍飴黃芪。名黃芪建中。治氣虛勞病也。桂枝加烏頭。名烏頭桂枝湯。以溫氣血。治寒疝之方也。桂枝加黃芪。名桂枝加黃芪湯。以增補氣升陽之力。治黃汗衛虛之方也。

觀上諸方。桂枝湯治證萬能。變化不盡。總以桂芍之益衛扶營爲主。欲達表升陽。則增重辛甘之品。欲入裏納陰。則加多苦甘之藥也。可去桂。可去芍。更可去薑。去棗。又可去草。可加清藥。可加溫藥。可加攻藥。又可加補藥。升表。可至頭上及皮膚。降裏。可到足下及骨髓。仲師作桂枝湯。治證多而加減廣者。特作一模範而已。卽經方二百五十五方。何一不可依樣而葫蘆也。在醫者學問如何耳。

又按以上桂枝加減。凡二十八方。其主藥爲桂芍二味。至生薑大棗。太陽經發汗之主藥也。不但桂枝用薑棗如是。卽其他出表發汗者。莫不以薑棗爲不可少之品。其間有薑棗並用者。有用薑不用棗者。有用棗不用薑者。各有理由。按薑棗。溫中之藥也。辛甘化陽之品也。何以爲表藥之主。因風寒在表。皮膚先受病。藏府固未病也。投以溫中扶正辛溫生熱之品。則正氣更固。可以抵抗外邪之來侵。又可佐發汗諸藥之力。故先師制方。表藥以此爲主。職是故也。溫中散寒用此。亦是理也。更觀夫諸前輩處方。凡種種表劑。方末必書生薑幾片。大棗幾枚爲引者。謹遵古法也。邇來醫術日降。棗薑多棄而不用。尤以江浙爲甚。悲夫。

桂枝之外。用薑棗者。計二十四方。自桂枝麻黃各半湯。以至雜病竹葉湯止。莫不以溫中升表發汗爲主。



惟吳茱萸湯。橘皮竹茹湯二方。專主溫中驅寒者也。用棗不用薑。凡十二方。以補中扶正為主。或誤治傷正。或恐邪陷。或防藥力過猛。無論溫清。皆當用棗也。用薑不用棗。凡十七方。概以驅寒為主。表裏有寒者。皆可投之。無論寒方熱劑。表證裏病。處處皆宜。按生薑與乾薑。其性有別。生者發散。乾者固結。生者走表。乾者走裏。生者驅邪。乾者扶正。試觀真武四逆桂枝。理中大小青龍柴胡瀉心等湯。其理便明矣。噫。先師真聖醫也。

### 第四節

### 柴胡湯

大柴胡湯	柴胡	黃芩	生薑	枳實	大棗	半夏	芍藥
小柴胡湯	柴胡	黃芩	生薑	甘草	大棗	半夏	人棧
柴胡加芒硝湯	柴胡	黃芩	生薑	甘草	大棗	半夏	人棧
半夏瀉心湯	黃連	黃芩	乾薑	甘草	大棗	半夏	人棧
生薑瀉心湯	黃連	黃芩	乾薑	甘草	大棗	半夏	人棧
甘草瀉心湯	黃連	黃芩	乾薑	甘草	大棗	半夏	人棧
甘草瀉心加棧湯	黃連	黃芩	乾薑	甘草	大棗	半夏	人棧



黃連湯

黃連

桂枝

乾薑

甘草

大棗

半夏

黃芩加半夏生薑湯

黃芩

生薑

甘草

大棗

半夏

柴胡龍骨牡蠣湯

柴胡

黃芩

生薑

牡蠣

大棗

茯苓

大黃

鉛丹

龍骨

牡蠣

桂枝

茯苓

柴胡桂枝乾薑湯

柴胡

黃芩

乾薑

甘草

桂枝

枳椇根

旋覆代赭石湯

旋覆花

代赭石

生薑

甘草

大棗

半夏

人葶

▲附用柴胡諸方

四逆散 薯蕷丸

柴胡之有大小。因表裏汗下治法之不同者也。按少陽屬陽樞。外轉出太陽之表。邪從皮膚汗出而解。內轉入陽明之裏。邪從腸胃便通而解也。蓋少陽治法。禁用汗吐下火。以汗下為太陽陽明之主方。汗則陽明所忌。下則太陽所禁。少陽地隣表裏。位居中間。負有調人之責。當以和解為宜。以一種不汗不下。可汗可下之藥。分作大小柴胡二方。小柴胡表重裏輕。服之可使半表裏之邪從外而解。大柴胡裏重表輕。服之可使半表裏之邪從內而解。柴芩薑棗夏。為二方之主藥。小柴用棗草。增重辛甘溫中之力。使其化陽而出表。大柴用枳芍。增重苦甘寒中之力。使其化陰而入裏也。一說大柴當用大黃。無黃不成大柴。愚謂





柴禁汗下。每方七味。祇葶草枳芎之互更。若大柴當用黃。則小柴當用麻矣。亦將謂不用麻不成小柴乎。此乃不明經方之義之臆說。不可信者也。且大柴萬不可加大黃。以失其和解之義。卽柴胡加芒硝湯而論。邪將化燥。潮熱已彰。其胸脇滿而嘔。樞邪未罷。仍當先以小柴解外。然後以柴胡加芒硝湯主之。何況大黃之力。比芒硝更猛也。由是觀之。大柴之不可加大黃明矣。

至半夏瀉心。生薑瀉心。甘草瀉心。甘草瀉心加葶。黃連湯。黃芩加半夏生薑湯等。皆柴胡之變方也。從小柴胡湯加減而成。生薑換乾薑。此乃不欲走表而欲其走裏。不欲發表汗而欲驅裏寒之義也。更換柴胡以黃連。不欲和解樞邪。而欲瀉其心火。至加生薑桂枝芍藥。除黃連黃芩乾薑人葶。亦是化陽化陰。升表降裏之義而已。至柴胡龍骨牡蠣湯。以小柴除甘草加大黃鉛丹龍骨桂枝。治火邪內結。少陽陽明胸滿煩驚。譫語身重。瀉火瀉熱之方也。柴胡桂枝乾薑湯。三經並治之方也。有柴芩之和解。桂枝甘草之溫表。陽乾薑甘草之溫裏。陽更加樓根牡蠣之清熱潛陽。是兩邊虛中間實之治法也。至旋覆代赭石湯。變換更出神入化。按柴胡本少陽之方。以柴芩爲主藥。今以柴芩換覆赭。拔趙易漢。變少陽而爲厥陰矣。變相火火邪而爲風木水痞矣。先師聖學。後人莫測高深也。至附用柴胡諸方。除變方外。祇二方。卽傷寒之四逆散。雜病之薯蕷丸。四逆散治風木下利。用柴以轉邪外出少陽之方也。薯蕷丸治風氣百疾。亦轉病外出少陽之義。由是觀之。柴胡誠少陽專用品也。

# 第五節

## 麻黃湯

麻黃湯

麻杏甘膏湯

麻黃附子細辛湯

麻黃附子甘草湯

麻杏薏甘湯

麻黃加朮湯

杏子湯

甘草麻黃湯

### ▲附用麻黃諸方

桂枝麻黃各半湯

湯 小青龍湯

母湯 射干麻黃湯

桂枝二麻黃一湯

麻黃連翹赤豆湯

厚樸麻黃湯

桂枝二越婢一湯

麻黃升麻湯

越婢加半夏湯

葛根湯

麻黃加朮湯

小青龍加石膏湯

葛根加半夏湯

防己黃芪湯

越婢加朮湯

桂枝芍藥知

白朮

麻黃

麻黃

麻黃

麻黃

麻黃

麻黃

麻黃

麻黃

甘草

甘草

甘草

甘草

甘草

甘草

甘草

甘草

桂枝

杏仁

附子

附子

杏仁

杏仁

杏仁

杏仁

石膏

細辛

薏苡

桂枝



湯 桂甘薑棗麻辛附子湯 半夏麻黃丸 文蛤湯  
 麻黃湯。治無汗傷寒之主方也。是由甘草麻黃湯。桂枝甘草湯。加出。用麻黃以攻營。杏仁以破衛。得辛甘。桂枝之助。上升走表。驅寒發汗之力益雄。去桂枝之辛溫。加石膏之清降。名麻杏甘膏湯。則不走表而走裏。治肺藏傷邪之熱喘也。去桂加附子細辛。名麻黃附子細辛湯。使藥入少陰以驅邪也。去桂加甘草附子。名麻黃附子甘草湯。亦入少陰發汗也。去桂加薏苡之利溼。名麻杏薏甘湯。治風溼也。不去桂加朮。名麻黃加朮。治表中寒溼也。去桂枝名杏子湯。治水腫發汗之方也。去桂杏名甘草麻黃湯。亦治水腫發汗也。更有其他方藥用麻黃者。桂枝麻黃各半湯起。至文蛤湯止。凡二十一方。無不以發汗為主。是則麻黃之功效。發汗而已。藥性之簡單。當以麻黃為獨一矣。由是觀之。越婢青龍葛根之發汗。亦一麻黃而已。至加桂枝。加石膏。不過寒用溫。熱用涼耳。按麻黃與桂枝為一實一虛。一攻一補之藥。故治證以麻黃能亡陽。桂枝可扶陽也。至越婢青龍諸方。可以麻黃一味統屬之。雖方中配藥有異。加減各為一系。然而發汗之功。則千方一律也。

## 第六節

### 越婢湯

越婢湯

麻黃

生薑

甘草

大棗

石膏

越婢加朮湯

白朮

麻黃

生薑

甘草

大棗

石膏

越婢加半夏湯

半夏

麻黃

生薑

甘草

大棗

石膏

越婢加附子湯

附子

麻黃

生薑

甘草

大棗

石膏

桂枝二越婢一湯

見合方

大青龍湯

見合方

越婢湯之義。已論于複方。今舉其加減法。祇三方而已。但正方不見于傷寒。祇見于雜病。爲主治風水。腫脈浮發汗之主藥。裏水風水則加朮。肺脹欬上氣喘則加半夏。惡風則加附子。至桂枝青龍加越婢。詳于合方。故不復贅。統觀越婢證治。似病從藏府陰位而起。外傳皮膚。與陽旦病從外入者。適得表裏陰陽之反。故命名之義。有由來矣。

### 第七節

### 承氣湯

調胃承氣湯

大黃

甘草

芒硝

大承氣湯

大黃

厚樸

枳實

芒硝

小承氣湯

大黃

厚樸

枳實



麻仁丸

麻仁

大黃

厚樸

枳實

芍藥

杏仁

桃仁承氣湯

桃仁

大黃

桂枝

甘草

芒硝

厚樸七物湯

見合方

厚樸三物湯

大黃

厚樸

枳實

厚樸大黃湯

大黃

厚樸

枳實

梔子大黃湯

梔子

大黃

枳實

豆豉

大黃牡丹湯

牡丹

大黃

桃仁

冬瓜仁

芒硝

▲附用黃芒諸方

柴胡龍骨牡蠣湯

柴胡加芒硝湯

抵當湯

抵當丸

大陷胸丸

大陷胸湯

大黃黃連瀉

心湯

附子瀉心湯

桂枝加大黃湯

枳實梔子豉湯

鼈甲煎丸

風引湯

大黃廩虫丸

大黃附子湯

己椒藶黃丸

大黃硝石湯

瀉心湯

大黃甘草湯

下瘀血湯

大黃甘遂湯

▲附用樸枳諸方

梔子厚樸湯

枳實薤白桂枝湯

▲附用樸不用枳諸方



南京中醫藥大學圖書館版權所有

桂枝加厚樸杏仁湯 厚樸生薑半夏甘草人蔘湯 鼈甲煎丸 厚樸麻黃湯 王不留行散

半夏厚樸湯

▲附用枳不用樸諸方

大柴胡湯 四逆散 橘枳生薑湯 桂枝生薑枳實湯 枳朮湯 排膿散 枳實芍藥散

氣以承名。承以下應上也。承此燥氣由大便而出。卽內經君火之下。陰精承之之義也。故以大黃芒硝承此氣而下行。然其功力黃勝而芒遜。黃表而芒裏。黃血而芒氣。有二味並用。有單用一味者。但用黃者十居其八九也。調胃下法之單方也得甘草之配合。其性和緩。便瀝而已。不能謂攻。調和胃氣而已。勿令大泄下也。配樸枳則爲大小承氣。配萸杏遂葶則爲陷胸。配蟲蟲水蛭則爲抵當。配芩連則爲瀉心。或單配雙配。則有出入輕重表裏之不同也。今就承氣而論。大承以八樸五枳攻氣之藥。重于黃芒。承其氣而下達。最危急利害之下劑也。故先師再三叮囑。以失氣不失氣。便泄不泄爲可服不可服之診斷。何等切要。慎重。醫者豈可大意乎。至小承則方輕而力薄矣。縱誤亦不致大害。故四黃去芒二樸三枳。藥力大減也。麻仁丸治脾約液燥。又更輕矣。潤腸緩下生津之方也。桃仁承氣又與承氣抵當有別。雖名承氣。不承以樸枳之破氣。而承以桂草之扶陽佐氣。更以桃仁之破血。承氣之變方也。至厚樸七物湯是承氣桂枝之合方。已見合方。此不復論。厚樸三物。厚樸大黃二方。藥同名異。而分兩更殊。一則治腹痛而閉。肝熱內結。

一則治支飲胸滿、心火內炎、俱當瀉熱下達。故以大承氣除芒為之一。一則樸枳多、大黃少。欲其通閉之力。雄。一則大黃多、樸枳少。欲其瀉熱之功效大也。先師制方已臻化境。經方誠可驚也。梔子大黃湯、吐下并用之方也。酒痺本可吐下而愈。故以梔子豉從上吐之。大黃枳實從下瀉之。方用小承加減而出。能清上焦之火也。大黃牡丹湯、治腸癰已潰之方也。腸癰本可下。從下而導之。方用調胃加減而出。丹桃冬瓜仁排膿通瘀。能瀉下焦之熱者也。至柴胡龍骨牡蠣湯等二十方。皆用大黃以導熱下行。俱以通大便為主。以前方合參。大黃之義明矣。按樸枳破氣破血之藥也。有並用者。有單用者。氣喘咳嗽多用厚樸。血熱痞滿多用枳實也。其附用諸方大概如是。

## 第八節 抵當湯

抵當湯

蟲蟲

水蛭

桃仁

大黃

抵當丸

蟲蟲

水蛭

桃仁

大黃

下瘀血湯

廩蟲

桃仁

大黃

▲附用桃蟲諸方

桃仁承氣湯

鼈甲煎丸

大黃廩蟲丸

大黃牡丹湯

桂枝茯苓丸

土瓜根散

湯以抵當名方。奇也。愚意先師必含有深意在也。否則何必名此。按承氣氣病也。抵當血病也。氣病已有承氣之方。血病何無抵血之藥。是則抵當之義。承上文承氣而來也。可知抵當猶言血病當以此方抵抗也。一說抵至也。當妥當也。猶言至妥當之方也。雜病抵當烏頭桂枝湯。意亦如是以蓄血寒疝之證。危劇異常。非此二方。難以抵當之義。又按承氣以證象言。抵當以藥力言。與下節陷胸瀉心之義同。仲師筆法。往往如此。

抵當用黃不用芒。血證也。以蟲蟲水蛭桃仁三味攻血。大黃一味通便而已。但大黃仍帶瀉血之性一半也。稱四味俱是血藥。亦無不可。抵當丸藥雖同而力却減多多矣。下瘀血湯亦輕劑也。按三方俱攻血之特效藥。治熱結膀胱之蓄血證。及經水不利外。他證未見其用也。是專治下焦膀胱子宮病也。其他用桃蟲諸方。雖有六種。皆以瘀血宜攻為主。比承氣治證簡單不少也。

## 第九節

### 陷胸湯

- |      |     |    |    |    |    |    |
|------|-----|----|----|----|----|----|
| 大陷胸丸 | 大黃  | 葶藶 | 杏仁 | 芒硝 | 甘遂 | 白蜜 |
| 大陷胸湯 | 大黃  | 甘遂 |    |    |    |    |
| 小陷胸湯 | 栝樓實 | 半夏 |    |    |    |    |
|      |     |    |    | 黃連 |    |    |



白散

桔梗

貝母

巴豆

十棗湯

芫花

甘遂

大戟

大棗

大黃甘遂湯

大黃

甘遂

阿膠

▲附用葶樓諸方

牡蠣澤瀉散

葶蘆大棗瀉肺湯

甘遂半夏湯

己椒蘆黃丸

裏病有氣血水火四證。治氣血以承氣抵當。上已論之。今論陷胸瀉心之水火病。陷胸陽邪內陷傷肺。肺病積水。水結胸痛。以瀉水之甘遂大戟葶蘆夏杏爲主。瀉心陰邪內陷傷心。心病鬱火。火結腹痞。以瀉火之芩連爲君。陷胸以證象言。瀉心以治法言也。陷胸不曰瀉肺湯。瀉心不曰陷腹湯。是仲師之一明一隱之慣技也。按陷胸亦套承氣而出。以樸枳換葶杏甘遂等瀉水藥。因邪傷肺藏結於胸腔。肺氣不宣。失其通調。故非瀉其胸中之積水不可。方有丸湯。輕重緩急之義也。至小陷胸則力更薄。以少陰積水在心上。以大黃換瓜樓。甘遂換半夏之瀉腎水。黃連之瀉心火也。白散亦陷胸之變方。以葶杏之攻換桔貝之和者矣。以黃芒之輕換巴豆之重者矣。上吐下瀉。表裏並治。十棗湯專瀉在腹之飲水。大黃甘遂湯則血水並瀉。至附用諸方。皆以瀉水爲主者也。

第十節

瀉心湯



瀉心湯

附子瀉心湯

大黃黃連瀉心湯

葛根黃芩黃連湯

半夏瀉心湯

生薑瀉心湯

甘草瀉心湯

甘草瀉心加棗湯

黃連湯

黃芩加半夏生薑湯

乾薑黃連黃芩人棗湯

黃連阿膠湯

▲附用連芩諸方

白頭翁湯

白頭翁加草膠湯

奔馳湯

王不留行散

黃連粉 當歸散

大黃 黃芩 黃連

附子 大黃 黃芩 黃連

大黃 黃芩 黃連

葛根 黃芩 黃連 甘草

半夏 黃芩 黃連 甘草 乾薑 大棗 人棗

生薑 半夏 黃芩 黃連 甘草 乾薑 大棗 人棗

甘草 半夏 黃芩 黃連 甘草 乾薑 大棗 人棗

桂枝 半夏 黃芩 黃連 甘草 乾薑 大棗 人棗

半夏 黃芩 黃連 甘草 乾薑 大棗 人棗

半夏 黃芩 黃連 甘草 乾薑 大棗 人棗

黃芩 黃連 乾薑 人棗

黃芩 黃連 雞子黃 阿膠 芍藥



瀉心治君火相火內炎之方也。夫火欲上達而不能下鬱。鬱則九竅出火。舌焦便黃。內外俱熱也。先師瀉火以芩連為主。並用多而單用少。熱化火。可加大黃以導之。火從大小便而出。邪化火。可加葛根之升達。寒包火。可加生薑乾薑之驅寒。水挾火。可加半夏之降水。陽虛火病。加乾薑附子。又何妨。陰虛火邪。加人蔘芍藥。亦無碍。火已傷陰。阿膠雞子黃以養陰救液。傷陽火病。桂枝乾薑湯以溫中扶陽可也。至用芩連之諸方。大概以苦寒瀉熱為主。按瀉火即是涼血。清熱即可救陰也。或曰瀉心諸方。何以寒熱並用。不用大黃芒硝。答曰。陰邪內陷結痞於腹中。心火挾寒邪以俱下。便溏嘔利痛滿之證甚多。故不用芩連。火無以去。不用薑夏。寒何由消。因已便溏。可毋庸攻下矣。

# 第十一節 四逆湯

四逆湯

乾薑 甘草 附子

通脈四逆湯

乾薑 甘草 附子

通脈四逆加膽湯

豬膽 乾薑 甘草 附子

四逆加蔘湯

人蔘 乾薑 甘草 附子

茯苓四逆湯

人蔘 乾薑 甘草 附子 茯苓

甘草乾薑湯

乾薑

甘草

乾薑附子湯

乾薑

附子

白通湯

葱白

乾薑

附子

白通加豬膽汁湯

豬膽

乾薑

附子

人尿

葱白

承氣攻陽之方也。四逆回陽之方也。以乾薑溫氣。則上焦之陰寒散而外陽回矣。以附子溫水。則下焦之陰寒散而內陽長矣。得甘草之和。則薑附之力合。上下連成一氣。而旭日當空。表裏之陰霾自散。按汗吐下火。誤用之則陽亡。而現四肢厥逆。故名曰四逆湯也。加重薑附。名通脈四逆。治陰盛格陽無脈之重證。加棗則兼救陰。加茯苓名茯苓四逆。並可救陰制水。去甘草則名乾薑附子湯。則熱力愈強。去附子名甘草乾薑。專回上焦氣分之陽。去甘草加葱白。名白通。使內脫之陽。藉葱外達。熱力更雄猛快捷也。白通加豬膽人尿。胆可入肝。尿能入腎。苦鹹味寒之品。引陽入陰。陰陽並救也。通脈加膽。亦是此意。四逆陰格陰實之方也。陰消則陽自旺。至棗茯苓膽尿。大熱之中。恐防傷陰。或升或降。陰陽並救者也。

# 第十二節

## 理中湯

理中湯

人棗

白朮

甘草

乾薑



桂枝人葠湯

大建中湯

腎着湯

乾薑人葠半夏丸

樸薑夏草人葠湯

吳茱萸湯

蜀椒

人葠

白朮

甘草

乾薑

飴糖

人葠

白朮

甘草

乾薑

桂枝

▲附用乾薑諸方

甘草乾薑湯

四逆湯

小青龍湯

乾薑附子湯

茯苓四逆湯

梔子乾薑湯

柴胡桂枝乾

薑湯 半夏瀉心湯

生薑瀉心湯

甘草瀉心湯

黃連湯

白通湯

白通加膽湯

通脈四

逆湯 烏梅丸

麻黃升麻湯

乾薑連苓人葠湯

四逆加葠湯

通脈四逆加膽湯

甘草瀉

心加葠湯

鼈甲煎丸

黑散

風引湯

厚樸麻黃湯

小青龍加石膏湯

烏頭赤石脂丸

苓桂味草去桂加乾薑細辛湯

苓甘味薑辛夏湯

苓甘味薑辛夏杏仁湯

苓甘味薑辛夏杏

黃湯 柏葉湯 半夏乾薑散

王不留行散

膠薑湯

眞武小柴胡加乾薑

▲附用葠諸方

厚樸

人葠

半夏

甘草

生薑

吳萸

人葠

半夏

甘草

乾薑

半夏

白朮

甘草

乾薑

茯苓



白虎加人蔘湯 新加湯 茯苓四逆湯 小柴胡湯 柴胡加芒硝湯 柴胡龍骨牡蠣湯

胡桂枝湯 半夏瀉心湯 生薑瀉心湯 旋覆代赭石湯 黃連湯 炙甘草湯 附子湯 烏

梅丸 乾薑黃連黃芩人蔘湯 四逆加人蔘湯 理中丸 竹葉石膏湯 甘草瀉心加人蔘湯

鼈甲煎丸 侯氏黑散 薯蕷丸 澤漆湯 麥門冬湯 木防己湯 木防己去石膏加苓朮湯

大半夏湯 橘皮竹茹湯 竹葉湯 溫經湯

理中、不理外也。甘草乾薑、理外不理中也。四逆、則中外皆理也。按理中與建中不同。建中之大小又各異一字之差。毫釐千里矣。中之所以能理者、朮草也。薑則理陽氣、蔘則理陰血、朮則理溼、草則理燥。中者脾土胃土也。脾惡溼、有朮之燥、胃惡燥、有草之潤、胃陽虛、有薑之佐、脾陰虛、有蔘之益也。不偏不倚。故曰理中也。理中之加減凡七方。惟薑不動。更有本方加減八條。腎氣上動、去朮之緩中。加桂之升表。吐者、寒格亦去朮之緩。加生薑之散也。下利則欲緩其中。故仍用朮。悸則水凌。加苓制水。渴則脾弱。加朮補中。腹中痛、脾陰不足。加人蔘以養陰。腹中寒、胃陽不強。加乾薑以扶陽。腹滿則陰盛。陽虛。下焦腎陽不足。去朮加附子以溫水陽。統觀八法。證屬三焦。白朮有緩中培土之嫌。人蔘有養陰補脾之力。茯苓有利水之功。桂附生乾薑。能散三焦之虛寒者也。至若加桂之桂枝人蔘。治表裏不解之陽虛下利證。去朮草加椒飴之大建中。治胸腹上下痛之陰實證。去人蔘之腎着。治下焦之積水腰痛腹重證。去朮草加半夏之乾薑人



茯苓半夏丸。治上焦之積寒嘔吐不止證。去朮加樸。夏之樸薑。夏草人蔘。治誤傷中焦之脾氣。腹脹滿證。吳茱萸湯。亦理中之變方。乾薑換生薑。欲其驅寒也。甘草換大棗。欲其溫中也。白朮換吳萸。欲其降逆也。或從表裏。或從上下。隨證加減。因病施方。四面八方。從中變化可也。  
 人蔘氣味甘微寒。益陰生津之品也。主補五藏。五藏屬陰。陰津不足。補之以蔘。故血證以蔘為特效藥。仲師用蔘。寒熱皆有。白虎柴胡用蔘也。恐熱劫真陰。預為之備。附子四逆用蔘也。真陰已竭。即為之救也。經方有三十六種俱用蔘。以救液益陰。時俗云補氣性熱。大錯特錯。抑人蔘之變種歟。斷無是理也。

## 第十三節

### 真武湯

真武湯

附子

生薑

白朮

茯苓

白芍

附子湯

附子

人蔘

白朮

茯苓

白芍

芍藥甘草附子湯

附子

甘草

白芍

甘草附子湯

附子

桂枝

甘草

白朮

#### ▲附用附諸方

桂枝去芍加附湯

四逆湯

乾薑附子湯

茯苓四逆湯

附子瀉心湯

桂枝附子湯

桂枝

附子去桂加朮湯 麻黃附子細辛湯 麻黃附子甘草湯 白通湯 白通加膽湯 通脈四逆湯  
通脈四逆加膽湯 烏梅丸 四逆加棧湯 理中加附湯 桂枝芍藥知母湯 薏苡附子  
散 附子粳米湯 大黃附子湯 括樓瞿麥丸 桂枝薑棗麻辛附子湯 黃土湯 薏苡附子

敗醬散 竹葉湯 腎氣丸

附子之主方凡四。一表一裏一陰一陽也。按附子少陰水藏。太陽水府之主藥。水寒當溫。君以附子。故附用諸方。莫不以附子溫水也。方名真武。以北方水神能鎮攝水怪。猶水動泛瀾。多汗多尿之當以真武服之也。按青龍亦水神也。其用與真武反。無汗為寒水內閉。用青龍發汗。多汗為寒水外脫。用真武止汗。已詳複方論中。當合觀之。又按真武之所以能治表熱多汗不解者。生薑之力也。薑棗本太陽主藥。因少陰諸方。概不用棗。棗能緩中。與苓朮味薄則通。氣薄則發泄。平淡宣泄制水之功力反背。所以少陰不用棗也。真武附子二方。祇差生薑人棗一味。真武用薑。治太陽表證也。附子用棗。治少陰裏證也。生薑之性辛溫化陽。故能走表。人棗之性甘寒化陰。故能走裏也。又附子湯加朮增附。比真武溫水之力雄。故不治表而治藏府骨髓之證也。芍藥甘草附子湯去薑棗苓朮。專用附芍。其性近寒。其力尤薄。甘草附子湯去芍加桂朮。其性近熱。其力更猛。一治水藏水府之虛寒。一治筋骨肌肉之實寒也。至用附諸方。可以下焦筋骨水冷精寒之病概括之。按附子乾薑肉桂。雖俱性熱。用之則大有分別。氣寒當用薑。水寒當用附。血寒





當用桂。此先師處方之奧旨。不分而當分者也。真武本方有四條加減。欬加辛味與乾薑。肺水寒邪胸伏。與小青龍方法同。小便利者。腎陽大虧。去茯苓之利。大便利者。脾陰太盛。去芍藥之寒。當加乾薑之溫。嘔者。寒在胃而不在腎。當去附加生薑以驅寒者也。

## 第十四節 白虎湯

白虎湯

石膏

粳米

甘草

知母

白虎加人葠湯

人葠

石膏

粳米

甘草

知母

白虎加桂枝湯

桂枝

石膏

粳米

甘草

知母

竹葉石膏湯

竹葉

石膏

粳米

甘草

半夏

人葠

麥冬

### ▲附用膏諸方

桂枝二越婢一湯

大青龍湯

麻杏甘膏湯

麻黃升麻湯

風引湯

厚樸麻黃湯

小青龍

加石膏湯

越婢湯

越婢加半夏湯

越婢加朮湯

木防己湯

文蛤湯

竹皮大丸

虎而曰白。西方肅殺之秋氣也。與東方主發生之青龍作對。按冬之寒。必假春之溫而始解。故傷寒以青龍發汗也。夏之暑。必藉秋之涼而始消。故中暑以白虎退熱也。白虎之能消暑者。甘寒也。與芩連之苦寒



瀉火又迥異。故白虎方中。四味皆甘寒生津之品也。今之羚羊犀角蘆根荷葉等。亦類是也。至白虎加棧  
 棧甘微寒之品也。白虎得之。則救陰生津之力益大。恐暑熱傷液化燥也。加桂則秋涼肅殺之氣中。忽現  
 春風發生之氣象。一生一殺各司其令。殺者去外熱也。生者生內陽也。此白虎加桂所以治但熱無寒之  
 溫瘧骨節煩疼時嘔之證也。加桂加棧。又是一陰一陽也。然桂棧可加矣。麻附等又何嘗不可加也。至竹  
 葉石膏湯。比白虎更進一步。雖去知母。却加竹葉麥冬人棧半夏四味。清熱生津救陰降逆之品。治上焦  
 陰虛生熱之瘦人多火氣逆欲吐者也。至附用石膏諸方。雖不能與白虎比論。然石膏白虎之主藥也。若  
 越婢等湯之用石膏者。無非清熱。若麻桂。若黃樸。若薑棗。若歸夏。雖寒熱不同。補攻各異。總不能減却石  
 膏清熱之功也。

# 第十五節

## 五苓散

五苓散

茯苓

猪苓

桂枝

澤瀉

白朮

猪苓湯

茯苓

猪苓

滑石

澤瀉

阿膠

猪苓散

茯苓

猪苓

茯苓澤瀉湯

茯苓

生薑

桂枝

澤瀉

白朮

甘草

▲附用苓朮諸方

苓桂朮甘湯 眞武湯 附子湯 麻黃升麻湯 理中丸 侯氏黑散 薯蕷丸 甘薑苓朮湯

茯苓戎鹽湯 當歸芍藥散

▲附用苓不用朮諸方

茯苓四逆湯 茯苓甘草湯 小柴胡加茯苓湯 柴胡龍骨牡蠣湯 酸棗仁湯 赤丸 木防

己去石膏加茯苓芒硝湯 小半夏加茯苓湯 苓桂味草湯 苓桂味草加減湯 括樓瞿麥丸

防己茯苓湯 桂枝茯苓丸 葵子茯苓散 半夏厚樸湯 腎氣丸

▲附用朮不用苓諸方

桂枝人蓀湯 桂枝附子去桂加朮湯 甘草附子湯 麻黃加朮湯 防己黃芪湯 桂枝芍藥

知母湯 天雄散 澤瀉湯 越婢加朮湯 枳朮湯 黃土湯 當歸散 白朮散

苓無五種。名曰五苓。是猶利水之五虎將。名非苓而功實近苓也。此散以茯苓白朮猪苓澤瀉四味專利水。帥以桂枝。藉熱水之宣發力。汗出而小便利矣。三焦之熱。得以隨水分之排泄而退。而渴止矣。至猪苓湯。治熱已化燥之方。故去桂枝之溫升。加滑石之寒降。去白朮之燥水。加阿膠之潤液也。猪苓散。則不寒不熱。祇茯苓猪苓白朮三味。專利裏溼。治嘔吐胃病口渴。引熱下達之方也。茯苓澤瀉湯。比五苓更溫矣。



苓尤澤瀉。得生薑桂枝之辛溫。宣發陽氣。驅除胃寒。服之而吐止。渴可除也。又與猪苓湯適得其反。一重薑桂之溫熱。一重滑膠之寒潤也。

苓桂尤甘真武湯等。苓尤並用。無非藉平淡滲泄之功。驅除水氣而已。其用苓不用朮。用朮不用苓。諸方用苓者。重在利水宣陽。用朮者。重在燥溼培土也。苓則治其標。朮則治其本。各有功能。與桂枝之生薑大棗同一意義也。

# 第十六節

## 梔子豉湯

梔子豉湯

梔子

香豉

梔子甘草豉湯

梔子

甘草

香豉

梔子生薑豉湯

梔子

生薑

香豉

梔子厚樸湯

梔子

厚樸

枳實

梔子乾薑湯

梔子

乾薑

茵陳蒿湯

梔子

茵陳蒿

大黃

梔子蘖皮湯

梔子

甘草

黃蘖



枳實梔子豉湯

梔子

枳實

香豉

枳實梔子豉加大黃湯

梔子

枳實

香豉

大黃

梔子大黃湯

梔子

枳實

香豉

大黃

▲附用梔諸方

大黃硝石湯

梔子與五苓作對。五苓清三焦之陽實。梔子養三焦之陰虛也。五苓以口渴為主。梔子以心煩為君。梔子雖苦寒。瀉三焦之熱。瀉熱即所以救陰。陰足則心火熄而煩止。然五苓之驅邪。在發汗利小便。梔子豉之驅邪。則在吐也。按梔子雖為養陰之品。加減則各法皆有。如少氣之加甘草甘平之化陰也。嘔逆之加生薑辛溫之化陽也。可加樸枳之破氣。可加乾薑之溫中。可加茵陳蒿大黃之除溼瀉熱。可加甘草黃蘗之養陰清火。又按枳實梔子。攻補並施。香豉大黃。又吐下同用者矣。但枳實梔子豉加大黃。與梔子大黃湯藥同而分兩異。一治勞復之實證。一治酒瘰之實證也。至附用諸方。祇大黃硝石湯一方而已。用梔子藥皮以清熱。大黃硝石以瀉積也。

第九章

六經方



大青龍湯

桂枝湯

葛根湯

麻黃湯

桂枝二越婢一湯

桂枝甘草湯

芍藥甘草湯

五苓散

梔子豉湯

太陽經方

真武湯

太陰經方

桂枝加芍藥湯

四逆輩

少陽經方

桂枝湯

小柴胡湯

建中湯

大柴胡湯

少陰經方

麻黃附子細辛湯

通脈四逆湯

黃連阿膠湯

附子湯



承氣湯

抵當湯

陷胸湯

瀉心湯

四逆湯

理中湯

吳茱萸湯

猪苓湯

### 陽明經方

### 厥陰經方

當歸四逆湯

麻黃升麻湯

通脈四逆加膽湯

烏梅丸

六經各有主證。證有主方。太陽居表。位於頭項背皮膚。故脈證亦在乎是。治以發汗解表為主。按太陽為寒水之經。證治在寒水二字。寒為太陽之主證。惡寒是也。太陽之證罷不罷。以惡寒不惡寒定之。太陽之治。補與攻。以汗出不汗出定之。如其惡寒而無汗。治以青龍發汗。如其惡寒而有汗。治以真武止汗。汗即水也。故曰太陽為寒水之經。此說實足證吾中醫學術之簡要且確切也。所以青龍真武。恰如太陽寒水國之左丞右相。但近世祇知其一。不知其二。發汗之外。不知所云矣。悲夫。以下五經亦皆如是。已以青龍真武為太陽寒水之領導。則青龍真武之下。仍有分治之方也。大青龍統治風寒傷表表實之



方。以邪氣爲主體。其中風有汗表虛者。治以桂枝湯之調營和衛。傷寒有汗表虛者。治以桂二婢一湯之補虛驅寒。中風無汗之表實者。治以葛根湯之清熱發汗。傷寒無汗表實者。治以麻黃湯之驅寒發汗也。眞武湯統治風寒傷表表虛之方。以正氣爲主體。其有汗陽氣虛者。治以桂枝甘草湯之扶陽。有汗陰血虛者。治以芍藥甘草湯之益陰。口渴陽實者。治以五苓散之利水清熱。心煩陰虛者。治以梔子豉之催吐瀉火。此太陽寒水證治之大概也。其他變方。俟詳諸後。

少陽居頰頸脇筋骨。故脈證亦以此爲範圍。治法以和解爲主。和解者。因太陽之發汗。與陽明之攻下。極端反對。少陽地臨表裏之間。不能有所偏。故主和解。而柴胡之藥。適非汗非下。又可汗可下也。按少陽爲相火之經。相火者有形之火也。證治亦在相火二字。故證見口苦咽乾目眩耳聾。火走空竅也。太陽以惡寒爲主。陽明以惡熱爲主。少陽外出爲寒。內入爲熱。故以往來寒熱爲主證也。治以火味苦寒瀉火之芩連。此和解瀉火從表從裏之大小柴胡所由作也。寒多熱少者。當從表解。治宜小柴。熱多寒少者。當從裏解。治宜大柴。然柴胡治邪盛之方。若正氣虛不宜小柴者。當與桂枝。不宜大柴者。當與建中。此少陽證治之大概也。仍有柴桂柴芒等證。治論詳本方。不復贅矣。

陽明居面胸腹肌肉。脈證亦以此爲範圍。治法以下達爲主。按陽明爲燥金之經。證治在燥金二字。燥者乾燥也。陽明證無有不乾燥者。如胃燥欲飲。肉燥無汗。腸燥便堅。舌乾燥。唇齒燥。水分燥。氣血筋骨皆燥。



一切證象。無不以一燥字定之。燥則陰涸陽盛而潮熱作。故陽明以燥為主證也。治以金者。假金性爲治燥也。非以五金服之也。按金性肅殺。爲西方之秋氣。其性下降。白虎之能治燥。卽此意也。承氣亦有肅殺之義焉。

陽明裏證有四種。卽氣血水火是也。此四證皆以肅殺攻下爲主。故承氣抵當陷胸瀉心之不離大黃芒硝也。燥熱傷氣。治以承氣。以枳樸破氣爲君。燥熱傷血。治以抵當。以蟲蛭攻血爲主。燥熱傷肺。肺水內停。治以陷胸。以遂戟葶杏爲君。燥熱傷心。心火內結。治以瀉心。以芩連瀉火爲主。此陽明實證。以邪熱爲主體者也。其正氣虛寒。更有溫補之治。陽亡有四逆之回陽。陽虛有理中之溫胃。陰格有吳萸之驅寒。陰虛有豬苓之潤燥。此又陽明正虛之補陰補陽者也。

三陽是分主軀壳。三陰是分主五藏。然三陰三陽之證治。則各不相同。仲師以十二時分配六經。作治法之總論。三陽居九。三陰居五。厥陰兼少陽二時。故有十四時也。按三陽居九。少陽爲寅卯辰。太陽爲巳午未。陽明申酉戌。太陽陽明各獨得三時。所以治法一汗一下。絕對獨立。少陽雖主和解。亦是獨立。然少陽之小柴胡。可以治厥陰熱入血室之證。厥陰之烏梅丸。當歸四逆。四逆散。白頭翁等。皆用少陽瀉火之芩連柴胡。是厥陰少陽之藥。互相混用。故寅卯辰三時。厥陰占去寅卯二時。連丑時得三時也。至三陰經共主五時。又各占他經二時。互相連絡。爲太陰亥子丑。少陰子丑寅。厥陰丑寅卯。是厥陰後占少陽二時。前

占少陰二時。少陰前占太陰二時也。所以三陰所用之藥。多大同小異。四逆湯輩。三陰俱用也。人稜白芍。三陰俱用也。酌古證今。無不如是。

太陰屬脾肺。爲溼土之經。證治以溼土二字爲主。腹滿也。脈緩也。吐逆也。下利也。皆溼氣之生化者也。治以中央之土法。溼實邪強。治以桂枝加芍加黃以導其滯。溼虛正弱。治以四逆輩以培土溫中。少陰屬心腎。上火而下水。爲君火之經。證治以君火爲主。火有餘。水不足。心煩不得臥。有黃連阿膠之瀉。火滋水。水有餘。火不足。惡寒。骨節痛。有附子湯之溫水壯火。水邪太盛。有麻黃附子細辛。火氣太微。有通脈四脈療治也。

厥陰屬肝與心包。爲風木之經。證治以風木爲主。消渴。氣上衝心。飢不欲食。吐衄。風氣所化也。治以木性之四達。木味之酸收。上嘔下利。外厥內熱。而得愈。當歸四逆。使木邪外達內達者也。故熱厥愈。麻黃升麻。使木邪上達下達者也。故唾膿下利得除。通脈四逆加膽。治風木陽亡陰竭。烏梅丸。治風木之陰虛陽虛也。

## 第十章 六淫方

【風】 桂枝湯

葛根湯

【寒】 麻黃湯

桂二婢一湯

【暑】白虎加人蔘湯 一物瓜蒂湯

【燥】炙甘草湯 承氣湯

【溼】桂枝附子湯 麻黃連軹赤小豆湯

【火】黃芩湯 黃連湯

六淫以風寒為父母。是風寒能化生暑火溼燥也。按風為陽邪。性溫熱。寒為陰邪。性寒冷。大凡受病之人。皆因不慎風寒。醫治錯誤。日久各隨人體之寒熱。而變化暑火溼燥也。又按風能化暑。暑可化燥。寒能化溼。溼可化火。皆因熱久傷液。液乾變化而來也。故曰。治傷寒以存津液為主。即恐其化燥化火也。夫六淫治法。以汗吐下利小便為主。是放開一條出路為至要。風寒當從汗解。暑溼當從小便解。燥則從大便。或吐而解也。火則從小便而解。或吐解也。按桂枝湯治表虛中風。葛根湯治表實中風。麻黃湯治表實傷寒。桂二婢一湯治表虛傷寒也。白虎加蔘湯治表虛中暑。一物瓜蒂湯治表實中暑。桂枝附子湯治表虛中溼。麻黃連軹赤小豆湯治表實中溼也。猪苓湯治裏虛燥病。承氣湯治裏實燥病。黃芩湯治表實火病。黃連湯治裏虛火病者也。此六淫虛實諸證之大概也。

# 第十一章 陰陽表裏寒熱虛實方

芍藥甘草湯

甘草乾薑湯

陰虛 黃連阿膠湯

陽虛 乾薑附子湯



猪膚湯

承氣湯

抵當湯

陷胸湯

瀉心湯

葛根湯

越婢湯

麻黃湯

大青龍湯

表寒

麻黃湯

黃芪建中湯

桂枝甘草湯

建中湯

烏梅丸

附子湯

炙甘草湯

真武湯

桂枝湯

表虛

裏虛

表熱

白虎加人參湯

竹葉石膏湯



南京中醫藥大學 1964

四逆湯

理中湯

裏寒

吳茱萸湯

白通湯

梔子豉湯

大黃黃連瀉心湯

裏熱

黃芩湯

黃連湯

陰陽表裏寒熱虛實八法。為吾中醫處方之根本。前論主方。已略言之。今再為推廣。然經方二百五十五方。皆以八法互相合處。上表不過大概而已。吾中醫治病。不論何脈何證。皆有陰陽表裏寒熱虛實也。即以頭痛咳嗽二證而論。陰虛者。宜知柏白芍。陽虛者。宜附桂乾薑。感表邪者。宜發散風寒。傷裏虛者。宜調補氣血。則頭痛者痛止。欬嗽者欬除。無所謂特效藥也。凡百病證。莫不如是。往往有一身都是病。但辨明其陰虛陽虛屬寒屬熱。投之以藥。諸證頓除。此則中醫之長處。事實具在。不能埋沒者也。經方之陰虛者。有芍藥甘草湯。黃連阿膠湯。豬膚湯三方。陽虛者。有甘草乾薑湯。乾薑附子湯。桂枝甘草湯三方。凡百病。陰陽虛者。皆以此方為主。隨證加減可也。表實無汗。有葛根。越婢。麻黃。青龍之發汗。表虛多汗。有桂枝。真武之止汗。表寒有麻黃。越婢。表熱有白虎。加棧。竹葉石膏。裏實有承氣。抵當。陷胸。瀉心等丸湯之攻。裏虛有建中。烏梅。附子。炙甘草等丸湯之補。裏寒者有四逆。理中。吳茱萸。白通等之溫。裏熱者有梔子豉。大黃黃連瀉心。黃芩。黃連等湯之清也。以上諸方。不過論其大概而已。更有其他方藥。言不盡言。書不盡書。茲



姑從略。

## 第十一章 方義

桂枝湯

治表虛中風。陽浮陰弱。發熱有汗。營衛皆虛之頭項皮膚病也。自太陽十二法。至雜病婦人產

後風止。凡二十三條。皆以營衛二虛發熱汗出爲主證。其他見證。皆可不論。方中以桂芍爲主藥。其他加減。見證而施。亦可不拘也。生薑大棗。爲太陽惡寒之主藥。溫中扶陽。助藥出表發汗而已。甘草則和合諸藥爲一氣。如司令然。且佐桂芍化陰化陽也。

按桂枝主證爲汗出。汗出之外。有脈浮弱。遲虛及小便清。大便下利。四大虛證也。太陽表邪未罷。惡寒發熱。無論風寒。有汗者。皆可與桂枝湯。二十三條中。莫不如是。至惡寒。惡風。頭痛。鼻衄。鼻鳴。乾嘔。氣喘等。麻黃亦有。不可以爲桂枝證也。又按身疼痛。本麻黃寒證。一見下利。便當用桂。是則不論證之若何。當以營衛藏府之虛實爲斷。讀者細察經文。當能明瞭。

右五味宜㕮咀。㕮咀。咀嚼也。嘗藥之意也。使桂芍不致偏勝而失其功效。

微火煮。火微。則煮藥透。味出。而氣不揮散。火煬。更恐水乾氣散。藥味未出也。

適寒溫。藥過冷。則恐汗不出。藥過熱。則恐汗流瀉。兩俱不可。



服已須臾。歠熱稀粥。以助藥力。腹飢則氣不足。歠粥則肚飽。身熱容易出汗。

覆溫令一時許。蓋被取汗之義也。內粥外覆。內外並施。汗無不出矣。但汗出後去被服。更宜緩緩減

少。否則汗出恐復感風寒也。

遍身皦皦微似有汗者。益佳。不可令如水流漓。病必不除。按桂枝本有汗發汗之方也。遍身微似有

汗。知藥力已到。營衛可調。汗流漓則表陽益虛。不亡陽卽化燥矣。故病必不除也。

若一服汗出病瘥。停後服。不必盡劑。汗出病瘥。固宜停藥。卽汗出病不瘥。亦宜停藥。恐病有傳變。原

方未盡合也。

若不汗。更服。依前法。不汗更服。亦要變通。若認證確實。病重藥輕。固當更服。但恐診斷已錯。藥不應

病之不汗出。則不可更服矣。依前法。卽歠粥溫覆之義。

又不汗。後服。小促役其間。又不汗。後服。小促役其間者。促。急促也。役。服役也。又不汗。必病人服藥歠

粥太緩。或溫覆不密之故。必設法促役病人。飲食起居。使汗出也。

半日許。令三服盡。半日約六小時。每二小時服藥一次。半日三服。藥盡矣。

病重者。一日一夜服。一日一夜服。卽一日一服。一夜一服也。與今之病重時服藥。一日服二劑同也。

病證猶在者。更作服。更作服。是一劑病不愈。再服一劑之意也。



若汗不出者。乃服至二三劑。二三劑。卽一方服二三劑也。今時處方。多囑病人服二三劑。同也。但須認證實。在。否則害人不淺矣。

禁生、冷、黏、滑、肉、麪、五辛、酒、酪、臭惡等物。生、生果也。冷、冷飲、冷食也。黏、粉團、糯米等是也。滑、藕粉等是也。肉、禽獸肉類也。五辛、椒、薑、葱、蒜、韭等也。酒、各色酒也。酪、牛乳等也。臭惡、一切異香、異味之物也。按外感風寒。當禁一切者。恐助桀爲虐也。夫人外感六淫。則正氣與之反抗。無暇消化飲食。西醫以傷寒爲爛腸病。亦禁食一切固質之物。但牛乳等不忌。吾國人士。每感外邪。生冷之物。比平時更多食。此皆不宜者也。西醫飲酪。更易增病。尤以小兒食乳者最危險。因此畢命者。更屈指難數矣。

夫先師作桂枝湯方法。比諸方獨詳者。桂枝湯爲起首第一方也。發汗之劑。應當如此。卽傷寒一百十二方。亦當如是也。又按先師之文。先已言之者。後必不論。吾人切莫誤會。桂枝則當如是。他方未詳者。儘可不必。若作此想。恐貽誤病機。有無窮之患矣。

桂枝加葛根湯。葛根氣味甘辛平。是秋令肅殺之氣也。與白虎同一意義。故能清肌熱。治項背強几几。預防表邪化燥。傳陽明也。按項背強几几。本葛根湯證。無汗之方。今反汗出。是桂枝表虛證。而兼葛根肌熱證。是桂枝之加清藥者也。與加附子之溫者。一防經氣傳陽明。一防表裏傳少陰也。但



傷寒六論卷一  
葛根可稱爲小白虎。以甘辛平。適合白虎湯之氣味也。

不須歠粥。已用葛根之清。當除去歠粥。是不欲添薪助火也。

餘如桂枝法將息及禁忌。第二張藥方。仲師卽叮嚀傷寒方法。必照桂枝湯之方法行之。見得以下

諸方。皆當如此之意。將者與也。息者止也。將卽溫覆更服之類。息卽停服之類是也。

桂枝加附子湯。附子辛溫熱藥也。凡水分有寒。以附子爲主。故少陰水藏大陽水府之多汗多尿虛寒

證。莫不以附子爲要藥。漏汗小便難。表裏俱將亡陽。非附子難以救逆。方法不說。照桂枝也。

桂枝去芍藥湯。桂枝湯本桂芍同等陰陽平均也。今誤下。邪陷於胸。未傳入裏。脈促胸滿。仍可外出。故

去芍藥之入陰發泄下降之力。使桂枝之上升出表之力更大。將已陷胸中之邪。升提仍向表解。

桂枝去芍加附湯。前方之證。更兼微惡寒者。表陽益虛。寒水外動。加附子。溫水扶陽也。

桂枝麻黃各半湯。此方表虛陰陽俱傷邪之方也。內而脈微。外而惡寒。陰陽俱虛矣。陰陽俱虛之人。外

邪未解。亦當表散也。此方雖桂麻各半。分兩極輕。三份之一而已。較之大青龍。六份之一也。強人

邪重。當與大劑。弱人邪輕。當與小劑。必也。此方爲表劑中之最輕者。所謂輕病不可用重藥。重病

亦不可用輕方。先師之意在此也。又按表虛須用桂。麻黃似不相宜。但此輕方。虛亦不礙。桂草加

重。化陽已多。合之今載。各藥不過一錢。揆之今世醫家。每逢虛弱之人。患有頑固重證。亦祇有少



用攻藥。或佐以補藥而已。論古證今。未嘗不合。先師此旨。吾人大可效法。

麻黃先煮去上沫。按麻黃外有如竹之壳。心內裹有麻舌之黃粉。功效在此。故須先煮去上沫也。

桂枝二麻黃一湯。此治有汗傷寒之方也。表虛不能不用桂枝。傷寒不能不用麻黃。是補多攻少並用

之方也。

白虎加人葠湯。白虎秉西方金氣。可以瀉熱。猶秋風之能却暑也。按風從虎。虎嘯風生。虎即風也。白西

方之金色也。秋令亦屬金。故白虎猶秋風也。白虎以石膏爲主藥。石膏氣味辛微寒。但其味並不

辛。辛亦金氣也。得知母之苦寒。與甘草化合。爲苦甘化陰。粳米亦甘苦平之味。清清米湯。却能生

液。清熱生津。爲白虎之特性。加葠則生津養陰之公益大矣。炎炎之熱。無不一服而消。按暑熱之

證。大汗大渴。脈亦洪大。皆緣暑熱內炎。汗出津乾。故欲引水自救。營衛渙溢。脈洪大而汗孔開。見

風則惡也。又按青龍與白虎。亦猶青龍之與真武也。真武虛熱汗出。虛則從之。發熱用熱藥也。白

虎實熱汗出。實則反之。發熱用涼藥也。真武之汗。肢冷汗出。白虎之汗。身熱汗出。真武之渴。不多

飲。不冷飲。白虎之渴。欲多飲。喜涼飲。真武惡寒。白虎惡風者也。

米熟湯成。按米熟則湯成。米已熟透。藥亦煮透也。以此爲法。湯清不膩。方合秋涼景色也。又按羚羊、

犀角、蘆根、鮮生地、西瓜露、甘蔗汁、梨汁。皆如白虎之性也。



桂枝二越婢一湯 此湯亦有汗傷寒之方也。與桂二麻一同意。但麻黃性溫。越婢性寒。隨證施方。可也。桂枝去桂加茯苓白朮湯 此方爲桂枝真武合方也。桂枝則去桂。真武則去附。二方將帥皆去。獨餘兵卒合作。治太陽少陰合病。因太陽表氣已傷。無汗。故去桂。少陰之裏氣已傷。小便不利。故去附。桂枝以汗出爲主。真武以小便利爲主。今主證皆無。主藥皆去。一仍頭項強痛。一有心下滿痛。頭項屬太陽。心下屬少陰。滿卽是強也。先師制方。多出神入化。吾人當注意乎是。

小便利則愈 小便利。腎氣通。則心下滿痛自除。故愈也。愚按先師之文。常有弦外之音。卽如汗出表氣達。則頭項強痛除而亦愈。又何不可。讀者以爲然否。

甘草乾薑湯 乾薑味辛。氣溫。升得甘之配合。爲辛甘發散。爲陽。陽虛氣冷者。以乾薑爲主藥。傷寒二十九法。用以回厥逆之外陽。亡吐逆之內陽。亡雜病用以治肺冷之肺痿。吐沫之上焦。陽亡。是乾薑之性。專走氣分。陽分。一外表。一上焦。氣體上升。同氣相求之義也。

芍藥甘草湯 芍藥味苦。氣平。降得甘之配合。爲苦甘化陰。陰虛血熱者。以芍藥爲主藥。傷寒二十九法。以治咽乾舌絳之外陰。亡煩燥之內陰。亡也。經方養陰諸方。皆以此方爲主。是芍藥專走血分。陰分。三陰經俱用以配藥。腹痛尤多用也。

調胃承氣湯 方名調胃。調和胃氣而已。雖用大黃芒硝。得甘草之配合。其性和緩。且少少服之。可見此

湯之用意矣。大黃瀉血分之熱也。芒硝瀉氣分之熱也。二味專主通大便。內證實熱。皆以此爲主藥。是釜底抽薪。潔淨內府之法也。凡陽熱太過。恐陰精被劫。用此湯瀉陽以救陰。與芍藥甘草異法同功者也。

去渣內芒硝。更上火微煮令沸。芒硝礦物也。無渣滓。故黃草煮取汁後。當去渣。恐同煮藥被渣吸。以致芒硝減其下瀉之功力。上火微煮。硝烱味和也。

### 四逆湯

亡陽證多四肢厥逆。亡陽又多從汗吐下利小便四法而來。故名四逆。四逆與承氣功效相反。乾薑能燒中焦以上之陰。附子能熱中焦以下之陰。得甘之配合。上中下三焦連成一氣。服之可使全身陰寒消散。而陽熱得以回復原有也。故曰回陽。其實四逆湯燒陰之方也。與甘草乾薑又異法同功。甘草乾薑直接回陽。四逆湯間接回陽。燒陰卽以回陽也。與承氣瀉陽卽以救陰之義同也。

強人可大附子一枚。乾薑三兩。按此湯與通脈藥同而名異。乾薑兩半。附子一枚。四逆之原方。用大附子一枚。乾薑三兩。是強人證重之藥。名雖四逆。與通脈四逆並無二也。不過通脈有加減。四逆無加減耳。先師加以通脈二字。爲警告醫者注意此爲危急之證之方而已。

葛根湯 葛根湯治無汗中風之表實熱邪。以葛根清表熱。麻黃發汗。雖以桂枝爲主方。但因表實陽邪。

已減去桂芍各一兩矣。不欲桂芍益營扶衛之力太强也。發汗之法。却與桂枝湯相同。除去歠粥而已。

葛根加半夏湯 葛根加半夏。邪傳陽明嘔逆之方也。嘔逆本用夏薑。因葛根湯內已有生薑。故僅加半夏可矣。

葛根黃芩黃連湯 此湯藥祇四味。雖名葛根。與前方加半夏者大別。因少陽不可發汗。故麻黃與桂枝

湯俱除去。但餘清熱之葛根甘草。加入芩連。瀉火清熱而已。與乾薑連芩人棧湯之溫補瀉火者。又冰炭不同矣。

麻黃湯 麻黃湯傷寒表實無汗之主方也。以麻黃攻營。杏仁破衛。然寒邪性冷。非桂枝甘草之辛甘化陽。無以生熱出表助汗。麻黃得桂之力。發汗之功力愈強。實證不歠粥。餘法照桂枝湯。可見發汗之法。桂枝已詳且盡也。

大青龍湯 此方合麻黃越婢二方爲一。麻黃近溫。越婢近涼。添水加火。火煬水沸。未有不汗者也。按麻黃固發汗者也。恐藥力單薄。再加越婢。雙管齊下。汗無不出矣。故風寒極重之證。非此不治。此則重證不可服輕藥。與桂枝麻黃各半湯之輕證不可用重藥者。同一理也。

取微似汗 發汗之法。皆以似微汗爲宜。汗流漓。不但桂枝不可。卽青龍汗法。又何嘗可也。



汗出多者。溫粉撲之。汗多粉撲。使汗孔收縮。可減少汗出。若不能。則非用真武不可。再不濟。則四逆亦當用也。

一服汗者。停後服。大青龍用六兩麻黃發汗。愚按仲師作論。因法制方說理而已。吾人診斷。切宜小心。否則草菅人命。罪莫能辭。識生對於大青龍證。三十年來。未曾一遇。惟麻黃升麻湯。用二錢半麻黃。曾經多次。頭劑汗不出。隔半句鐘服二劑。仍用二錢半。方得汗來。陳君曾服過六劑。但三劑以後。逐日減去五分。至一錢止。由是觀之。麻黃確可用至六錢一服也。但須脈證俱實。否則遺禍真不堪設想矣。

汗多亡陽。遂虛。惡風。煩躁。不得眠。大青龍服後。汗多亡陽。體遂虛矣。惡風。汗孔開張也。煩躁。不得眠。心陽外越也。汗爲心液。多汗。傷心必矣。更有傷腎。傷肝。傷肺。傷脾者。不可不知也。

小青龍湯 此方雖名青龍。然與大青龍湯功力大異。大青龍以發汗爲主。小青龍以破水爲主。大青龍治太陽之風寒。小青龍治太陰之風寒。大青龍邪從汗解。小青龍邪從小便而解也。故治痰飲欬嗽。以小青龍爲主方。此方雖以桂枝湯爲基本。但不欲發汗。故除去生薑大棗之溫中走表。改用乾薑半夏之驅寒入裏也。再用麻黃散軀壳之水。細辛散藏府之水。又恐發散太過。用五味以收斂。則諸藥被酸所制。由表入裏。寒邪水飲從小便而解矣。更有加減五條如下。

微利。去麻加萘花。微利。寒水已從裏降。非麻之攻表者所能治。故去麻。加萘花以攻裏水。順水推舟之義也。

渴者。去半夏加栝樓根。半夏破水傷津之品。栝樓根清熱生津之品。今口渴津液已傷。恐妨化燥。故

加栝樓根以生津止渴。

噎者。去麻黃加附子。噎者咽喉不利也。咽屬少陰。故去麻之攻陽。加附之溫水。

小便不利。少腹滿。去麻黃加茯苓。小便不利。少腹滿。腎氣不足。麻黃傷腎氣。故去麻。加茯苓以利小便。

喘者。去麻黃加杏仁。喘為肺氣不利。去麻加杏。宣肺氣也。

按小青龍功能宣肺氣。破飲水。為治肺受風寒以致積水之專藥。若無表寒。麻可不用。若有裏寒。麻更不可不用。故五種加減。四種去麻也。至細辛為破飲水之主藥。當為此方之主。故治欬方藥。多以細辛五味乾薑為要藥也。

桂枝加厚樸杏仁湯。此方治營虛衛實之方也。按桂枝本扶衛益營之方。營衛俱虛者宜之。今衛實營

虛。非加樸杏以宣肺氣不可。然衛虛營實者。又加何藥。先師未詳。愚意樸杏換枳實桃仁。頗為中肯。不知諸賢以為何如。



乾薑附子湯 乾薑附子。治陽虛煩躁不得眠之方也。汗下傷陽。補以薑附。則表裏之陽復矣。卽四逆除。甘。熱力愈猛也。其餘功效近四逆湯。白通湯卽以此方加葱也。

新加湯 此湯治汗後傷陰養血之方也。以桂枝加芍藥生薑各一兩。及人棧三兩。其生津增血之力更

強。與桂枝加桂加附作反比例。按未汗身痛爲邪傷營血實證。當以麻黃攻之。已汗身痛爲汗傷營血虛證。當以新加補之也。實則脈浮緊。虛則脈沉遲。以此爲異也。

麻杏甘膏湯 麻杏甘膏湯。大青龍之變方也。治肺熱傷邪。或汗後傷肺化熱之證。以大青龍去生薑大

棗之溫中走表藥。更去桂枝之扶陽益衛藥。因肺藏之證。與表上之營衛無關。肺已化熱。熱蒸汗出。不能再行桂枝矣。今以麻黃散外邪。杏仁宣肺氣。甘膏清肺熱。服之邪除。喘平。熱退。汗出。效若桴鼓。今人借以治小兒肺風痰喘。極效。按肺風卽肺熱也。風爲陽邪故也。更有所謂寒肺風者。卽寒邪傷肺痰喘也。當更名爲肺寒痰喘。更屬確切。且與傷寒論之風爲陽邪。寒爲陰邪之理不悖也。又按肺寒痰喘。又當換石膏以乾薑。變涼爲溫。變清熱爲驅寒矣。更有加葶藶白芥子者。甚適當。業小兒科者。不可不知也。但近世學術退化。喜涼而惡溫。小兒患此證而喪生者。屢有聞見。悲夫痛夫。

桂枝甘草湯 汗傷心陽。心悸喜按。虛也。虛以從補。治以桂枝爲宜。至乾薑附子雖溫。無益也。按心主血。





心陽虛弱。則血寒不熱。當以溫血之桂。方可扶陽。乾薑氣寒之藥。附子水冷之藥也。故仲師心肝兩藏之陽虛證。皆以桂治。班班可考。

苓桂草棗湯 汗傷腎氣。臍下悸而氣逆上衝。欲作奔豚之象。治以苓桂草棗。以桂引火歸原。以苓引水入府。以草棗溫中培土。水關自固也。

甘瀾水 以長流水揚之萬遍。飽和空氣。煮藥服之。以氣補氣。使氣歸原。氣衝自止矣。

樸薑夏草人蔘湯 汗傷脾藏。中氣虛脹。以理中變方。加樸行氣消脹。生薑溫中。人蔘養液。半夏納氣。桂草和中也。

苓桂朮甘湯 汗下傷肝藏。肝氣橫逆。上衝心胸頭目。肝風已動。腎水泛瀾。身振振搖也。故以桂枝甘草引肝陽之歸原。以茯苓白朮制腎水之回藏。則氣平水靜。諸病自痊。

芍藥甘草附子湯 此方以眞武之主藥。治寒水之惡寒。因水不泛瀾。除去苓朮。以生薑換甘草。欲入裏不欲出表也。按未汗惡寒。寒實宜汗。已汗惡寒。寒虛宜溫也。以芍藥入陰。附子溫水。寒水不寒。冷自不惡矣。此方以芍藥甘草苦甘化陰入裏。加附子以溫水。水溫身自煖。故其寒不惡也。

茯苓四逆湯 此湯以四逆加茯苓之利水。乃汗下後。邪傳少陰水藏之方也。是汗下後陽虛陰盛。以茯苓利水。邪從水而解也。




五苓散

此方用茯苓白朮與猪苓澤瀉及桂枝相合而成。按苓無五味。偏名五苓者。以苓性利水為功。五味皆能利水。以苓為主之義也。猪苓澤瀉甘平甘寒。有降無升。利下焦之水也。茯苓白朮甘平甘溫。能降能升。利中焦之水也。桂枝辛溫。有升無降。發上焦之汗。亦利水之義也。故五苓治發汗後傷三焦之陽。陽實口渴。無論上中下三焦之病。俱可服之。能發汗利小便。故也是邪從外解。病在軀壳也。當與梔子豉湯合看。

為末。白飲和服。五苓散必須為末作散服。方不致失其功效。按散者散也。散在胃腸中。緩緩消化。更藉熱水之力。起生理作用。猶歡粥飲酪之能出汗撒尿也。

多飲暖水。汗出愈。五苓全仗熱飲之力。利水發汗也。按五苓證本口渴多飲。但飲多不免有停飲之患。今以苓朮猪澤瀉桂作散服之。可藉藥力。使三焦排泄之機能加緊。中氣一轉。上汗而下尿。邪隨水出。渴止熱除。故必須多飲暖水也。若以五苓作湯。則大減其功效。病必不除。蓋服湯後。再須飲水。勢所不能不飲水。又無以助熱蒸發為汗為尿也。

茯苓甘草湯 此湯以桂枝甘草湯辛甘化陽為主。加生薑茯苓。一升表止汗。一降裏利水。使外逃之陽。適歸故里也。亦是桂枝湯半張藥方也。去芍去棗。留桂留薑。用陽去陰。用表去裏。恰是桂枝湯一半方也。再加茯苓。尿通則汗止。與大黃甘草湯便泄吐止之義同也。故陽虛不渴。當用此方。與五



苓作虛實之比例也。

梔子豉湯 按五苓散之功。在止渴利水。梔子豉之效。在催吐除煩。渴爲陽實。治以利水宣陽。陽和則渴止。煩爲陰虛。治以催吐養陰。陰足則煩除。此五苓散二方。治汗傷三焦之陰陽虛實者也。又按六淫治法。重汗吐下利小便。放開一條出路爲最要。有出路。則邪有所去。邪去正始安。正安熱始退。而病乃愈。否則生命可危也。若邪未達。而用涼用溫太早。不放一條出路。日久邪盛。正虛束手無策矣。諺云。走馬醫傷寒。信乎。走馬者。言其手段欲神速也。汗吐下利小便。當用卽用。不可猶豫。見證施方。不嫌矛盾。一日內汗下可前後續用。見賊便擊。切莫留情。否則多病一日。則正傷一日。姑息養奸。陰陽並脫。未有不作最後之臨別紀念。贈送病人以生脈散。牛黃清心丸者也。又按早攻一日。正氣強一日。雖誤猶可挽救。故有走馬醫傷寒之稱也。

得吐者。止後服。梔子豉諸方。皆欲得吐。吐後方可止服。與桂枝麻黃之得汗。承氣陷胸之得利。止服者。同一意義。此卽所謂出路也。

梔子甘草豉湯 甘草緩中清熱。陰虛少氣。中氣有熱也。故以前方加甘草。和緩中氣也。

梔子生薑湯 此方苦寒加辛溫。瀉火驅寒並用。胃寒則嘔。治以辛溫驅寒。心熱則煩。治以苦寒瀉火也。否則梔子入胃。煩未止而吐逆作矣。如是則火寒並治。煩嘔同除也。

梔子厚樸湯 梔子豉加減有四方。概以脾胃作比例。少氣腹滿。加甘草厚樸。病在脾氣之虛實。一補一攻之治法也。嘔逆下利。加生薑乾薑。病在胃氣之升降。一上一下之治法也。今以梔子去豉。加厚樸枳實。破中氣之蘊結。是陰虛脾實之方也。

梔子乾薑湯 梔子乾薑。寒熱並用之方也。心熱則用梔子。胃寒則用乾薑。梔子瀉火養陰。乾薑驅寒扶陽者也。與上方梔樸之一虛一實者。同作後人之模範。見病治病。冰炭何妨。吾人切莫固執成見也。

眞武湯 此方上文一再論之矣。仍有言而未盡者。茲復續詳。夫吾人欲識透此方之精奧。若知顧名思義。則盡在不言中矣。按寒水病之虛實。眞武與青龍爲主方。青龍可總統驅邪發汗之方。眞武能領率安正利水之藥。所以表劑之後。殿以青龍。禁汗之前。冠以眞武。此傷寒文外之意也。又按眞武是從桂枝湯套出。以桂枝換附子。去升陽出表引火歸原之桂。換納陽走裏蒸水成霧之附。除建中之甘棗。添泄水之朮苓。則助汗無能。利水有力矣。留生薑。有出表驅寒之功。留芍藥。有入裏清熱之效。由是觀之。同是寒水之方。桂枝則由內而外。扶正以達邪。得小汗而病瘳。附子則由表而裏。驅邪以安正。得微尿而病愈。此二方升降之不同者也。更有本方加減四條。俱以肺胃二經爲主。

若欬者。欬爲肺氣上逆。寒水停積上焦。加乾薑之溫氣。水得熱則化氣外走。通以細辛。飲有出路。收以五味。通滌水道。下輸膀胱矣。

若小便利者。小便利爲肺氣下達過甚。若再利水。恐傷其陽。故去茯苓也。

若下利者。下利爲胃寒下泄。須去芍藥之寒降。當加乾薑之溫升也。

若嘔者。嘔爲胃寒上逆。故去附子溫水之下焦藥。而加生薑溫胃驅寒之上焦藥也。

以上四條。皆病在肺胃之升降。先師以此爲法程者也。但各經皆有兼病。皆可加減也。按肺爲五藏之華蓋。胃爲六府之綱領。以此二經作一榜樣而已。

小柴胡湯。柴胡湯以和解名之。和解者。已不偏護太陽之汗。又不偏護陽明之下。處二大之間。以最公正之法。解決兩方之脈證。聽表裏之邪。自由選擇汗下之一路而出也。故其方藥。三經俱有。不汗不下之中。又可汗可下。不啻一三角聯盟會議也。表藥中去一切發汗之麻桂。祇存薑棗之太陽表藥。裏藥中去一切攻下之黃芒。但用茯苓夏草或芍夏枳之陽明裏藥。再以少陽之柴胡親表派。爲表經使臣。及黃芩親裏派。爲裏經使臣者也。由是觀之。柴胡湯是三陽合劑之方也。按小柴與大柴。不過換茯苓爲芍枳。茯苓意近理中。爲陽明之虛方。芍枳法類承氣。爲陽明之攻藥。故小柴之性近桂麻。服之可使汗出。從表而解。大柴之性近承陷。服之可使便利。從裏而解者也。



小柴有七或之加減。大柴亦有之也。不過先師言于前。不贅于後而已。吾輩以小柴之加減。作大柴之加減。亦無不可。若胸中煩而不嘔。樞邪類似結胸。去人稜半夏之胃藥。而加瀉水之樓實。若渴爲樞邪。侵陽明。從陽化燥。去半夏之燥水。加人稜之生津。及樓根之清熱。若腹中痛。亦樞邪侵陽明。從陰化溼。故去黃芩之苦寒瀉火敗胃。加芍藥之養陰。引藥入裏也。若脇下痞鞭。爲樞邪侵厥陰肝經。去大棗之滿中。加牡蠣之潛陽入藏。以去痞結也。若心下悸。小便不利。去黃芩之瀉心火。加茯苓之利水。若不渴。外有微熱。病在表而不在裏。樞邪出太陽。故去人稜之生津。加桂枝之升表發汗。若欬者。樞邪侵太陰肺藏。去人稜之生津。薑棗之溫中出表。使藥走裏入肺。加五味乾薑之溫肺氣行水。斂藥下降。通小便也。然真武之欬。並加辛。柴胡不可發汗。細辛故當去也。仲師作方法。立一規章而已。雖時微有出入。吾人不可刻舟求劍也。

小建中湯 建中。建立中氣也。是中氣不足之方也。必中焦之陰陽並虛者。方可服之。若陽虛則不可服。若陰虛更不可服也。方以桂枝加倍芍藥。加膠飴。則各藥不走表而走裏。不走太陽而走太陰矣。是甘緩補中之中虛喜甜者。方可服之。蓋脾虛喜甘。甘入脾之義也。

去滓納膠飴。更上微火消解。按飴糖無渣。故須後煮。嘔家不可用建中。以甜故也。嘔家常常喜嘔之人也。常嘔之人。中氣壅塞不通而作嘔。當以薑夏枳

樸之下氣消滯爲宜。亦是中氣實之證也。若再以甘緩。是實其實矣。故曰嘔家不可用建中。以甜故也。

大柴胡湯 柴胡方義已詳小柴。當與小柴胡及第六章複方。第八章加減方之第四節合觀之。

去渣再煎。按柴胡湯。無論大小皆去渣再煎。取其久煮氣味平和之義。是不欲發散發泄也。又按柴

胡多種。當以四川竹葉柴胡爲是。北柴銀柴。一偏陽。一偏陰。皆非所宜也。川柴則氣味平淡。正合和解之性。又可多用也。

柴胡加芒硝湯 此湯以小柴三份一。加芒硝二兩。瀉熱通大便之方也。治火邪傳陽明之半表裏與裏

病合病。已有胸脇滿而嘔之少陽證。復有潮熱之陽明證。故和解之中。稍以下達也。大柴當用大

黃之說。觀此不辨自明矣。已有潮熱。祇可用芒硝。且不敢用大黃。何況大柴胡證。未有潮熱者也。

桃核承氣湯 承氣名以桃仁。與樸枳承氣不同可知矣。樸枳氣藥也。桃仁血藥也。一攻氣。一攻血。但攻

太陽之血。又與攻陽明之血者不同。故以調胃承氣。加桂枝桃仁。桂枝太陽之藥也。桃仁血分之

藥也。是則水邪化火。血結膀胱。治當下達。太陽之裏病。與表病之治法又不同者也。又按此方與

調胃承氣及柴胡龍骨牡蠣湯。爲火邪內結三陽經。下達治法之三方也。

柴胡龍骨牡蠣湯 此方治火邪內結于半表裏。三經合治之方也。桂枝大棗生薑茯苓。太陽之藥也。大



黃鉛丹人稜半夏。陽明之藥也。柴胡黃芩龍骨牡蠣。少陽之藥也。三國同盟。各出四將。虛實並用。攻補兼施。桂枝大棗青龍系。生薑茯苓真武系。大黃鉛丹承氣系。人稜半夏理中系。柴胡黃芩瀉火系。龍骨牡蠣潛陽系。三四一十二。六二一十二。不多不少。步伐整齊。戰無不勝。攻無不克。先師真大將之才也。至名雖以柴胡龍蠣出面。乃地主之關係也。若虛實不均。證候變遷不一。則三經之藥。加減爲宜。須知先師立法。示人以制方之規。非一定不可去取者。桂枝湯之葫蘆。依樣。吾人大可效法也。否則人云亦云。不知變化。遽用桂枝人稜大黃半夏。非不可殺人者也。嗚呼。經方之奧義難窮。稍一不慎。遺患堪虞者。卽在此等處也。

### 救逆湯

火誤傷樞。相火外脫。亦亡陽之證也。按亡陽。三陽經俱有。而回陽之藥。則各經不同。太陽用附水分之陽也。陽明用薑。氣分之陽也。少陽用龍蠣。木火之陽也。故龍蠣獨用于少陽經諸方之回陽救逆者也。柴胡龍骨牡蠣湯。救逆湯。桂甘龍蠣湯。與太陽之真武。陽明之理中。俱屬亡陽證治之方。但龍蠣諸方。又有三經合治者。柴胡龍骨牡蠣湯是也。有二經並治者。救逆湯是也。有一經獨治者。桂甘龍蠣湯是也。此方以桂枝去芍。專救衛陽。加龍蠣蜀漆。潛半表裏之亡陽。而驅邪內解。此蜀漆與柴胡之微有不同者也。

桂枝加桂湯。桂枝加桂。太少二經之虛方也。火誤傷陽。表陽引動腎氣。用桂枝加桂。引火歸原之法。使



腎陽返歸原位也。此方與下方桂甘龍蠣作比例。桂枝加桂升而後降。桂甘龍蠣降而始升者也。桂枝甘草龍骨牡蠣湯。此方以桂枝甘草治心陽不足之煩躁。加龍蠣潛火誤之亡陽入裏。則心陽足

而煩躁止矣。按火誤諸法。仲師借以比芩連。芩連瀉火之藥也。用之不當。往往致成火逆。愈服芩連。相火愈盛。唇焦舌燥。洩赤耳聾。非必用火始有火逆證也。按龍蠣經方與本草俱。王少陽厥陰之證治。標病可潛相火外脫之亡陽。本病可治女子經帶之各證。龍蠣與鼈甲。今稱三甲。龍蠣之所以能潛陽者。以陰含陽之義也。與薑附同類相親之義異。

**抵當湯** 湯稱抵當者。傷寒有抵當湯。雜病有抵當烏頭桂枝湯。其證劇。其藥雄。蓋蓄血證。非以此湯實不能抵抗之義。意即若藥不瞑眩。厥疾不瘳也。亦先師示人注意謹慎者也。

按此湯與承氣作比例。一氣一血。下泄清熱之方也。故用大黃通便之外。再以蟲蟲水蛭。桃仁瀉血外出。血實當攻也。承氣大黃芒硝並用。抵當則用黃不用芒。以芒硝瀉氣。血病無須芒力也。大黃亦瀉血之藥。兼能通便。故抵當祇用黃不用芒也。

**抵當丸** 抵當丸與湯藥同而分兩不同。功力却又同也。湯者蕩也。湯性急。丸者遠也。丸性緩。故湯之攻血藥重。丸之攻血藥輕也。

**晬時當下血** 按攻裏之藥有四種。即承氣抵當陷胸瀉心是也。承氣氣熱液燥。內結燥屎。服承氣當

下失氣燥屎也。抵當血熱內結成瘀。服抵當當下瘀血也。陷胸熱結水分。服陷胸當下積水也。瀉心心火內結。服瀉心當下黃黑溏糞也。若服湯後所下之物與藥不符。則治法已錯。急當救誤也。故抵當服後。啐時當下血。及下瘀血湯。新血下如旄肝。大黃甘遂湯。其血當下。承氣湯。服後當更衣得下。卽服藥後下燥屎也。吾人當在此等地方着眼。勿作虛文看也。

**大陷胸丸** 陷胸瀉水之方也。陽邪內陷于胸。肺藏受病。不能行其津液。以致胸腔積水作痛。以大黃芒硝通府氣外。再加葶杏甘遂。專攻積水。白蜜以和緩藥力。取其緩下也。按陷胸雖有大小丸。湯功力亦不相同。丸性力和。且減輕分兩。更加白蜜一宿方下也。湯雖無葶杏。然一劑再服。得快利。可見湯性力雄也。至小陷胸更力薄矣。黃芒更樓實。甘遂換半夏。且加黃連。瀉心火也。

**葶熬杏炒** 火熬炒黑。瀉力已微。

**一宿乃下** 一宿乃下。藥性和緩可知。然下當水瀉爲度。與承氣之燥屎。抵當之瘀血。瀉心之黑黃溏糞。各有證物不同。非是則藥誤病危。急當救誤。吾人切記。當銘諸心骨也。

**禁如藥法** 禁如藥法。非飲食之禁忌。是藥性之相反也。是指甘遂反甘草之類。故此丸不用甘草。改用白蜜以代之。惟甘遂半夏湯。則用甘遂三枚。甘草如指大一枚。是取其相反。瀉力更雄之意。按甘遂末用。不過一錢七。煎湯服。可用至一二兩。此三枚甘遂。其力甚微。故與甘草合用。反則藥力

更猛也。

大陷胸湯 大陷胸湯。大黃雖少用二兩。芒硝已多用半升矣。煎湯加遂。分作再服。其力更猛可知。雖去

丸方之葶杏。力猶勝丸十倍也。故丸則一宿乃下。湯則得快利。止後服。不辨自明矣。

小陷胸湯 陷胸曰小。小則力薄可知。以黃芒換樓實。下瀉之力已減十倍。甘遂換半夏。破水之力亦相

去天淵。按小結胸病。正在心下。按之則痛。與大陷胸病。不按而胸腹俱痛者。又輕重懸殊矣。然二

方之力。相去如此之遠。為經方大小中之尤者也。按其病源。更有分別。大陷胸為陽邪陷肺。肺部

廣大也。小陷胸非陷肺之證。實陽邪陷心之證。故其方用樓夏瀉水之外。更加黃連之瀉心火也。

是寒水內陷之陽邪。陷於心者也。又與瀉心之陰邪內陷于心。心火內結者有別。故仍名陷胸。而

曰小也。是水火內結之兼病也。與表病裏傳。陰結中部章。瀉心證內之寒水結痞。用十棗湯者作

比例。此瀉水之中。忽挾瀉火。陷胸之病。忽兼陷心。彼則瀉火之中。忽挾瀉水。瀉心之病。忽兼瀉肺

也。

文蛤散 眞結胸之外。有假結胸。故陷胸之外。又有文蛤白散也。眞結。是陽邪內陷傷肺。假結。是寒邪內

陷傷肺也。按表病誤以冷水噴之。灌之。熱被冷劫。蘊結皮毛。內傳肺藏。或汗出冷沐。或暑熱被雨。

皆假結胸之病因。先師以熱被寒劫。四方並治。審病擇方可也。用文蛤可宣肺利水。用五苓可發



汗利水。此溫清二方之從汗尿却病者也。若寒實內結。心藏傷邪。可用小陷胸之瀉火。如肺水傷邪。因寒積飲。可用白散之破飲。此溫清二方之從吐下而解者也。與陷胸之因陽邪內結者。又證似而邪不同矣。此寒水之假結。所以與結胸分治也。

### 白散

散以白名。假西方之色。以瀉肺氣也。白散之白。猶白虎之白。虎則如秋風。散則若秋雨。秋風秋雨。職司肅降。故以治皮膚之積寒積熱證也。按桔梗貝母。皆肺藏之專藥。宣通肺氣之妙品。得芩豆之上吐下瀉。寒結自通。積水自散。但病人久病。自宜小心。

汗出已。腹中痛者。與芎藥三兩。腹痛寒邪侵足太陰。故加芎引藥入腹。

### 柴胡桂枝各半湯

此方太少合病之方也。一半桂枝治表虛。一半柴胡治半表裏實。亦假結胸內少陽氣結證治之方也。但須知表虛之方。始可加入。若麻葛則不宜合方。以少陽禁汗下故也。與下方之陽明用薑不用黃者。同一意義。

### 柴胡桂枝乾薑湯

此方三陽經之合方。以少陽爲主者也。上方少陽與表合。此方少陽與表裏並合。亦猶柴胡湯之制方。同法異治也。按柴胡。少陽之藥也。桂枝。太陽之藥也。乾薑。陽明之藥也。然陽明何以不用黃樸。蓋少陽不可汗下。故祇桂枝理中可加入。他方少陽所禁也。是合扶衛溫中瀉火爲一方。再加黃芩之瀉火。牡蠣之潛陽。樓根之生津。甘草之和緩。則少陽之樞一轉。表裏之氣自

通。支結自解也。

初服微煩。復服汗出便愈。按少陽半表裏病用柴胡湯。無論已誤未誤。服後更覺寒熱加甚。或微煩。或蒸蒸而振。此等證狀。是樞邪欲表欲裏。一時無所適從。須聽其正氣之何勝何負而定。先師雖明言多次。而醫者每多不以為意。在處方之前。未曾對病家言明。服此方後。必有不適之處。或發生大寒大熱。毋須驚慌。病即將因此而愈。而病家服藥後。多望證候減輕。忽然增劇。勢必倉皇無主。藥石亂投。因此而僨事者比比。此則吾人不可不先為留意。以免醫家病家各受意外之禍也。更有甚者。若後診之醫。學術宏富。道德高尚。猶可對病家說明原委。轉危為安。否則蓄意中傷。毀人誇己。二方之名譽生命。俱將為此輩所斷送也。

半夏瀉心湯 按瀉心之正方。祇大黃黃連黃芩三味。今名三黃瀉心湯是也。其餘五瀉心。皆以此加減而成。又在瀉心之上。加一藥名以別之。有用全方者。附子瀉心是也。有用半方者。大黃黃連瀉心是也。有去大黃但用芩連者。半夏生薑甘草瀉心是也。又按此方雖名瀉心。實是小柴之變方。以柴胡換黃連。生薑改乾薑而已。小柴治軀壳之火病。故用柴胡生薑以走表。半夏瀉心治胸腹之火病。故用黃連乾薑以走裏也。但瀉心諸方。治胸腹結痞之證。為陰邪誤下。邪陷傷心。心火內鬱而結痞。故以芩連瀉火。小柴和解半內半外之邪。從裏而解也。方以半夏名。治少陽相火水痞降

裏破水之方。使相火樞邪。從裏解也。

### 十棗湯

此方以極劇烈之藥。錫以極平和之名。先師以棗爲諸藥之司令也。按芫花甘遂大戟。皆破水之將藥。一發不可收拾者也。今以十棗肥者煎湯送藥散少許。早晨空腹服。且欲下得暢快爲度。利後糜粥自養。以圖恢復元氣。又按痞證以芩連瀉火爲主。忽挾一瀉水之十棗湯。亦猶陷胸之內挾一小陷胸也。兩相對偶。以見陷胸固以瀉水爲主。須知亦有當瀉火者。瀉心固以瀉火爲主。須知亦有當瀉水者也。此則先師之立法周密。證治萬無一失也。

### 大黃黃連瀉心湯

按瀉心湯固瀉心火之方。先師今治君火之痞。以之一減一加。一寒一熱。可知凡百病證。皆須變通而用。今以瀉心除去黃芩。名大黃黃連瀉心。治君火氣痞之病之熱證。更以瀉心湯加附子一枚。名附子瀉心湯。治君火水痞之病之寒證者也。

### 以麻沸湯二升漬之

按瀉心味厚則泄之瀉火方也。今以麻沸湯漬之。則味厚者變爲薄矣。薄則其性輕浮。故能治胸腹軀壳之痞證。且大黃生用力更大也。麻沸湯即將開未開之熱水也。熱水將開時。鍋底起點點上浮之水泡。故稱麻沸。若瀉心不漬而用煎。其力和矣。瀉力薄矣。煎愈久。力愈和。吾人不可不知也。

### 附子瀉心湯

此方卽瀉心加附子一枚。煎湯沖瀉心。用麻沸湯所漬之藥合服之。一邊瀉火。一邊補陽。

此爲腎水寒。心火熱之偶方也。上方大黃黃連瀉心。是心火單病。故用奇方可矣。

生薑瀉心湯 半夏瀉心。再加生薑則名生薑瀉心矣。以生薑溫中煖胃。能驅表裏之寒。生乾合用。熱力愈強。胃寒心痞。得熱則消。瀉火之中。又能行水。雷鳴欲雨。日出則晴。陽光一照。寒散雨霽。痞利何患不除也。

甘草瀉心湯 半夏瀉心除痞。卽名甘草瀉心。治溼土氣痞。脾陽不旺。霖雨連綿。亦作雷鳴。下利之證。故去人蔘之生津益水。加重一兩甘草。卽可和土。燥水乾。霖溼盡去矣。按生薑甘草兩瀉心。俱以半夏瀉心爲主方。一加一減者。略示變化。俾後人知所效法。亦見經方之奧妙靈效。端在此些微之間也。

赤石脂禹餘糧湯 此方以燥溼止利爲主。藥雖二味。功力甚宏。溼得土乾。其利自止。脾得土旺。中氣自升。痞除利止。而病自愈。與五苓治燥金氣痞。遙遙相對也。

旋覆代赭石湯 此湯亦瀉心之變方也。換苓連以覆赭。移瀉火以息風。表裏之寶藥猶是。半表裏之主方已更。局面已非。宗旨遂改。此厥陰風木水痞之所以用旋覆代赭石湯也。平肝解鬱。達木息風。肝氣歸原。痞噫自愈也。

桂枝人蔘湯 此方卽理中湯加桂。溫中益衛。藉辛甘化陽之力。救數下傷陽之方。表裏俱虛。桂枝與理

中合治。虛寒利痞。得熱則消。此衛虛結痞之所以用桂枝人蔘也。

瓜蒂散

此方催吐之方也。以甜瓜蒂赤小豆爲末。香豉作糜送服。治胸胃之邪停積作痞。吐之則上焦之氣通矣。

諸亡血虛家。不可與瓜蒂散。按亡血虛家。氣血皆虧之人。吐之則百節皆聳。往往脫神脫氣而死也。

按吐法一利而百弊。古今用吐法者甚尠。卽因此也。就壯人而論。連吐數次。精神大困。何況虛家。但胃有停食及毒物。肺有頑痰等。則非吐之不可。取其減輕病源也。非此則不用爲妙。

黃芩湯

黃芩湯以芍藥甘草爲主。加黃芩大棗。以苦甘化陰。生津清火。治相火內侵。協熱下利之證。或吐逆。火息則邪達也。但表邪未罷。未可獨涼。否則邪因寒而內伏。其病日深。須火邪全化。無表寒之夾雜。方可用之。則與柴胡瀉心之火同異治者。大有分別也。

黃芩加半夏薑湯

此湯以柴胡爲基本。類大柴則去枳。類小柴則去蔞。芍草同用。故以治火病上嘔。按傷寒嘔逆。皆加半夏生薑。取其溫中降逆。使水氣下走。與葛根湯加法同一意義。然去柴胡者。柴胡治風寒傷樞之和解藥。與相火爲病之芩連不同。是六淫治法。各有專主也。按黃芩功近柴胡。黃連功近瀉心。合而觀之可也。

黃連湯

此湯以半夏瀉心。去芩加桂。方近瀉心。與黃芩湯分道而治。大有桂枝理中合方之意在也。桂



枝則去芍。理中則去朮。連夏瀉胸熱下氣。是內外有寒而中有熱之方也。

桂枝附子湯

此方以桂枝去芍加附子治表溼。與桂枝去芍加附治脈促胸滿惡寒者不同。彼則附子

一枚。此則附子三枚。桂枝加一兩。藥同名異。功力懸殊也。桂枝調營和衛之藥也。營衛受溼。脈虛

而澹。是表虛寒溼。故以桂枝治虛。附子去溼。若實溼溼熱。又非此方可治矣。

桂枝附子去桂加白朮湯

此湯即前方去桂芍加朮。有稱白朮附子湯者。治前證大便堅。小便自利者。

以便堅裏亦有溼。故加白朮之燥脾溼。溼除則便利。小便自利。非溼熱也。便雖堅。未有熱也。去桂

芍換朮。附主藥已更。治證自異。驅除寒溼風溼。內外夾攻也。亦有加桂枝並用者。云一方一法。藉

扶陽逐水。增加附子之力也。

三服盡。其人如冒狀。勿怪。按附子有麻醉性。雖炮不盡也。又非麻則無力。市上焙附熟附。皆藥渣耳。

若服後如冒狀。即附子麻醉力發作。病愈更速也。

甘草附子湯

此湯以甘草附子名。不以白朮附子名者。恐與前方混亂也。前方治皮肉之風溼。此方治

筋骨之風溼也。溼入筋骨。筋骨腫大。痛徹心骨。去薑棗。不欲走表也。以桂枝甘草為主方。加附朮

治溼。溼得熱則消。病霍然而愈。識生曾以治寒溼入筋骨之證甚多。皆獲速愈也。

白虎湯

白虎之義。已見前白虎加棗湯論中。今再論其本方之制作。此方以石膏知母為主藥。石膏清

熱知母生津。清熱亦可生津。生津亦能清熱。互相利用。不可缺一也。配以甘草。爲甘寒清暑熱。故以白虎名之。功同秋風之却暑熱也。加以粳米。米湯功能生津止渴。但不可使之如糜粥。故米熟湯成。味甘氣薄。湯猶清也。若米熟如糜。湯濃如酪。不但病人不適口。治病亦失其功效矣。當切記之。按石膏須打碎如粉。用棉布包裹。入煎取汁。功力始大。今市上藥肆。一兩石膏。二三小塊。以塊石投煎。有名無實。誤人性命。可不痛乎。此石膏粳米之當注意改良者也。

**炙甘草湯** 按風寒暑火溼燥六種治法。在表以桂枝湯爲主方者。已居其五。惟暑熱不用。溫清反背故也。此方亦以桂枝爲主方。去芍加棗膠麻冬地酒。取其養血生津潤燥。燥之虛者之治方也。所加五種。皆富於滋養之品。脈結液乾。爲燥所害。治本之法也。與白虎湯治標清熱。救液潤燥者有別。按白虎湯是清氣熱。炙甘草湯是清血燥也。又按傷寒陰藥。概以芍藥爲必不可少之品。惟炙甘草湯。烏梅丸。竹葉石膏湯三方不用。恐其苦平下降發泄太過也。芍藥是太陰之專藥。厥少雖用。但走表發散。不能用此三方。卽患此弊也。

**大承氣湯** 承氣之義。前數章已一再論之。今再言其方法。大黃芒硝。攻下通大便之主藥也。性俱苦寒。惟厚樸性苦溫。爲破氣之專使。枳實雖亦爲氣藥。爲血中之氣也。故氣實之方。無不用厚樸者。血實之方。無不用枳實者。此枳樸之破氣。有氣血之分者也。按大黃芒硝。雖俱攻下。然亦有氣血之

傷寒論卷之九  
分別芒硝主治百病寒熱邪氣。大黃主下瘀血血閉。由此觀之。芒硝是攻氣之藥。大黃是攻血之藥矣。故經方攻血者。概以大黃爲必用藥也。是則承氣雖以攻氣爲主。氣中之氣。血中之氣也。小承除芒不除黃者。則減輕攻氣之力可知也。再以調胃之除枳樸。大承之加枳樸用芒硝。更瞭然矣。今後吾輩用承氣。切當注意氣分血分二途。否則隔靴搔癢。貽誤非淺。今之用承氣而潮熱譫語不除者。職是故也。

得下、餘勿服。得下、得下利也。已見下利。餘湯可勿服。服則下不止亡陽矣。按服大承氣後。必先見下燥屎。後則澹薄。或利。但已見澹薄。亦可稱利矣。燥屎則不能稱下利。以余之經驗觀之。服湯後若下燥屎。不下利。不過病人可安靜二三時。或半日。必致諸證復作。勢更凶劇。須服至便澹下利。腑氣已通。熱退語平。痛止腹消。而病始愈也。但已下利。亦不可連服。須視病證之變遷。若何而定。

小承氣湯 承氣之有大小。破氣力當有輕重也。調胃則例外矣。故調胃、樸枳皆不用也。小承欲減輕破氣之力。故除去芒硝。減輕樸枳。功力不及大承多多矣。故先師以小承非攻下之藥也。可用以爲試藥。縱誤不致貽禍也。

若更衣者勿服之。更衣入廁也。古人大便時必換衣服。故稱更衣。按更衣與下利有輕重之別。大承則非下利不可。小承則更衣已足矣。又按下法比別法更要慎重。故陽明總論。反復推求。三方證

治中更步步踏實。否則一發不可收拾矣。以陽明爲裏證。無經可傳。患至心腹。非生則死之候。不能假以時日。然先師篇末。又有急下法。又恐因循誤事。有養癰遺患之虞。吾人當小心大膽。方可治陽明證。用大承氣也。

### 猪苓湯

此湯清熱潤燥利水也。承氣諸方。病從大便而解。猪苓乃從小便而解者也。按陽明爲燥土。以燥爲病。然有不燥者。亦陽明之不及病也。又按燥病有表裏之分。病在裏者。方宗承氣。病在表者。方有白虎猪苓。且猪苓與白虎。爲燥病在表之治方。白虎以清熱爲主。熱清則液復。病從小便而解。猪苓以利水爲主。水利則熱除。病亦從小便解也。熱在上焦。當以白虎。熱在下焦。當以猪苓。猪苓又與五苓作比例。五苓功在發汗。猪苓功在利水。俱三焦陽明表熱之方也。故五苓用朮桂。是從陽化。猪苓用滑膠。是從陰化也。朮桂性熱燥。助三焦之陽以外升。滑膠性寒潤。助三焦之陰以內降。此發汗利水之功不同者也。

### 蜜煎導方

陽明治法。以下爲君。然陽強陰未竭。有水液。以爲下利。攻之宜也。又有陽強陰竭。津液已枯。陽無陰育。陰竭陽亦亡。此則承氣之所以不宜者也。攻則陰陽並脫。立見危亡。先師所以作外治之導法。蜜與猪膽。土瓜根汁。俱滋潤滑腸之物。腸得潤則燥屎下行。正氣不傷。府氣可降。與今之灌腸法。甘油錠之意同也。猪膽汁方。按猪膽和醋。變爲猪膏狀。甚滑。與蜜煎導治法同。土瓜根汁

亦是。

茵陳蒿湯 此陽治溼熱在裏之方也。陽明燥熱與太陰溼土化合。燥溼合病。清熱與利溼並用。溼從小

便而解也。茵陳蒿治溼。梔子清熱。大黃下達。溼熱從清道而出。與猪苓湯治同證異者也。

小便當利。尿如皂角汁狀。溼熱在裏。身必發黃。利溼清熱之品服之。邪從小便出。尿色如皂角汁。紅

黃兼黑也。此方不從大便解。故不用芒硝。而用大黃入血。使血中之熱下達。始有此顏色也。

麻仁丸 承氣通大便以湯。急下宜之。蜜煎導通大便以外導。虛證宜之。麻仁丸通大便以丸。和緩者宜

之。三種各有其用也。此丸以麻仁杏仁之油質。合小承之藥為丸。服之使腸胃增進滑膩。不致乾

燥難下。其性和緩。用以治脾液枯約便難之輕下法最宜。病在腸胃。當以此方為適也。按通大便

之法。概別之有四種。表裏俱實。胃腸俱結。證須急下者。宜以大小承氣湯。表裏俱虛。腸頭燥結。證

須緩下者。宜以蜜煎外導。胃燥陽結。證須瀉胃。宜以調胃承氣。脾燥陰結。證須潤脾。宜以麻仁丸

方。此為四方證治之大概。在用者按證擇方可也。

梔子蘘皮湯 梔子黃蘘。俱清火熱之品。寒與燥併。由溼化熱。清熱即可去溼。梔子蘘皮即此義也。熱已

清。溼自化。小便黃赤。溼有所去也。

麻黃連軹赤小豆湯 治溼之法。有清熱。有瀉火。有發汗。有利小便也。大概從利小便去溼者多。發汗則

甚少。此方即發汗去溼之方也。此方為麻黃越婢之變方。去桂膏之溫涼。加連軺赤小豆梓白皮之清熱利溼。須從汗解。故仍用麻杏。宣通營衛之溼熱。以此方為宜。與梔黃之從裏解者作比例也。

桂枝加芍藥湯 桂枝加重芍藥。苦平入裏。故治太陰風寒。移軀壳為藏府。更上升為下降。出汗變作吐利。頭項強痛變作臍腹滿痛。惡寒變作肢冷。發汗變為通便矣。一味之差。千里之別。可不慎乎。今之處方者。往往隨意書寫分兩。或一任弟子所為。中醫之退化也。有由來矣。

桂枝加大黃湯 即前方加芍之外。再加大黃。邪已入裏。當從裏解。故加大黃。隨其下趨而導之也。

麻黃附子細辛湯 麻黃細辛。發汗之藥也。加附子。則入水藏。治少陰風寒矣。與桂枝加附子。賓主倒置而已。麻細得附子之力。則引其入裏。而治脈沉。與薑棗引其出表之治脈浮者。理正同也。按麻細本發汗之藥。今與附子合。則利小便矣。汗尿同源。邪從尿解矣。

麻黃附子甘草湯 此湯與前方大同小異。以細辛換甘草。發汗之力多。故云微發汗。然此二方。必惡寒無汗。或小便少方可服。若多汗多尿。非所宜也。

黃連阿膠湯 黃連瀉火清熱。阿膠養陰補血。以之名方。是注重瀉火養陰之義也。按心火腎水。上下相交。則火不炎。而水不冷。神足精固。身體康寧。若心腎兩偏。或不交。則火自火。水自水。陽亢陰格。或

陰絕陽亡。此先師之所以作黃連阿膠。與附子湯也。心火上炎。則心煩不得臥。而陰精絕。黃連阿膠湯。以芩連瀉火。芍藥阿膠。雞子黃養陰。火熄則煩除。陰足則欲寐矣。此少陰心火有餘。而心陰不足之妙劑也。後人養陰之方。多仿此法。

去滓內膠。烱盡。小冷內雞子黃。阿膠無渣。故當後烱。雞子黃須生用。故小冷再內。不致熟熟。雞子黃也。

附子湯 附子湯與真武湯。皆溫水壯陽之藥也。真武用生薑。其性走表。以治太陽之寒水虛證。附子用人棖。其性走裏。以治少陰之君火虛證也。按火弱則水冷。腎水寒冷。故脈沉。骨痛。肢冷。身疼。用附子以壯陽。煖水。棖芍以滋陰。生液。苓朮制水利小便。則陰寒去。真陽壯。而水熱。蒸氣上騰。肢溫身煖。寒去痛止矣。又按真武附子。水火並濟之方也。與四逆白通之純陽者不同。

桃花湯 方以桃花名者。象其色也。便膿血。是紅白相間。色若桃花之鮮艷。此少陰虛熱利證之便色。與厥陰熱利下重之便膿血。顏色兼紫赤者不同。此先師寓診斷于方名。予後人以警醒之意也。按

診斷利證之法。實者必深黃深紅。或紫黑。虛者必淡黃淡紅。或灰白。此一定之理也。今以桃花名湯。即予後人以辨別虛實之法。倘實證投以桃花之溫澁。則內熱被阻。變端百出。不堪設想矣。又按赤石脂色亦近紅。乾薑粳米俱白。亦有若桃花之色。以桃花藥治桃花證。針鋒相對也。以乾薑



之温中。石脂之固澁燥溼。粳米之生津補中。性純温澁。若非少陰之君火不及。脈微細。但欲寐。下利便膿血。不下重之虛證。斷不可嘗試也。當切記之。

吳茱萸湯 此湯以吳萸辛温之品。温中降逆。配以人稜之養陰生津。佐以生薑大棗之温中驅寒。治胃

陽外脫。吐利肢冷煩躁之證。藥到病除。入喉吐止。余以之治寒霍亂。可稱聖方也。

猪膚湯 陽虛有吳茱萸湯之回陽。陰虛當以猪膚湯之救陰。按猪水畜也。膚多脂膠。富于滋養。陰精不

足。心煩胸滿咽痛下利者。陰虛之證也。當治以猪膚。按猪膚養血潤燥之品。得白蜜之解毒。白粉之殺菌。則傷寒內傳傷陰之證。一劑平。而二劑愈矣。

甘草湯 甘草有解毒潤燥之功。以之治少陰咽痛兼太陰者。能潤肺和脾也。

桔梗湯 桔梗辛微温。治胸脇腹痛之證。是能宣肺氣也。配以甘草。治咽痛。與甘草湯一升一降也。

苦酒湯 半夏降逆氣。雞子清除熱氣。苦酒斂肝氣。咽痛生瘡。得其酸降清熱。當氣平痛止矣。

半夏散及湯 此方可散可湯。以咽痛之輕重。有痛不能服散者。可湯飲之。從權達變也。以君火不及之

陽虛咽痛。用辛甘化陽之桂枝甘草湯。加半夏以破水下氣。則水降火升。心陽內長矣。此陽虛咽痛之用桂治咽痛也。按咽痛有寒熱虛實。仲師制四方以作規程。甘草湯以甘平清火勝。桔梗湯以辛温發散勝。苦酒湯以收斂養陰勝。半夏散及湯以辛温扶陽勝。各有專功。皆治咽痛者也。又





按咽喉作痛。大概熱證多。寒證少。實證多。虛證少。但因時因地。各有偏勝。不可拘泥也。憶余幼時。鄉中喉證大盛。死亡接踵。吾六弟即因此殞命。余亦傳染甚劇。適先嚴由粵返。診察病狀。初起形寒。背心尤冷。咽喉白腐片片。但飲食時反不痛。餘情余已忘之。投以四逆湯。十痊其九。因此而未遭天枉者四十餘人。云余六弟所服之藥。余亦無知。猶記童輩云。口中含山豆根。可不傳染。大概藥近大涼。臨終時喉聲如鋸。吐涎引之尺許。神智至死清爽。非熱可知。當日現象。至今猶存腦海間也。

### 白通湯

通陽全藉葱白。故名白通。以乾薑附子湯加葱白也。按乾薑附子。本陽虛回陽之藥。病在陽亡之外脫。今少陰下利。爲陽亡內脫之證。故加葱白通陽出表。免致內陷。是引熱出外之意。亦即四逆除去甘草。熱力益雄。更加葱白。速力愈緊。若用緩不濟急之藥。則欲熄之殘陽。恐不及挽救。故非用白通不可也。

白通加豬膽汁湯。豬膽苦寒。相火之藥。人尿鹹寒。君火之藥。今少陰下利。君火將熄。君水將涸。脈已無。又乾嘔心煩。少陽之相火。又將隨嘔而脫。少陰之君火。亦將隨煩而走也。按利多則水涸。陰竭陽故亡。無陰不能含陽。即無水不能生熱。故救陽之中。又加救陰。添火之外。更加放水。此豬膽人尿之所以救肝腎之真陰。與通脈四逆之義大同小異也。

通脈四逆湯 方名通脈。是四逆加重薑附。增加熱力。服之能使無脈者脈復。故云通脈也。按四逆原方。強人亦要倍薑增附。與通脈四逆無異。二方並無出入。先師欲人注意重方之義。故加通脈二字。以別之。戴陽面赤。肝熱外浮。加葱九莖以通陽。戴陰腹痛。脾陰內結。加芍二兩以通陰。嘔者胃寒。加生薑以溫胃。咽痛肺鬱。加桔梗以宣陽。利止無脈。心陰已乾。加人葶以生津救液。此四逆治及五藏者也。

#### 四逆散

方之同名異製者。無論或湯或丸或散。其藥總大同小異。惟四逆散則名雖同。而方藥迥異。按四逆湯為回陽之藥。四逆散則為救陰之方。以芍藥甘草湯為主方。加枳實以通厥陰之氣。柴胡以通少陽之氣。更有五藏之藥。有加無減。以治四肢厥逆下利之證。與四逆居於極端反對地位。一陽一陰。一補一攻。完全不同者也。證兼肺藏欬嗽。加五味乾薑。證兼心藏心悸。加桂枝治悸。證兼腎藏小便不利。加茯苓利尿。證兼脾藏腹痛。加附子驅寒。證兼肝藏泄利下重。加薤白以疎木。此四逆散之證治。以通為主者也。

#### 烏梅丸

此丸之藥。寒熱并用。攻補兼施。以其絕陰之地。中含少陽。母子相親。互為利害。不得不雙方兼顧也。方以當歸為主藥。以烏梅為引藥。一司令。一先鋒也。有乾薑附子之扶陽。厥陰之陰寒可去。有黃連黃蘗之瀉火。少陽之相火可平。桂枝細辛。可散營衛之風寒。人葶蜀椒。可扶表裏之氣血。

肝藏風木之證。當以烏梅丸爲主方。猶太陽寒水之有眞武湯也。治厥治熱。治蟲治利。皆以久病爲範圍也。

當歸四逆湯。經方有三四逆。藥各不同。當歸四逆。猶太陽之桂枝湯。治表虛中風之證也。厥陰之有汗熱厥者。宜服當歸四逆。故其方亦以桂枝加減而成。與麻黃升麻湯作對。一治厥陰陽邪虛證。一治厥陰陰邪實證也。此二方是厥陰經之桂麻也。桂枝加芍。則入太陰。加附則入少陰。今加歸。則入厥陰明矣。再加細辛之驅血中之邪。木通之利血中之水。則邪從小便而解。不從汗解矣。

當歸四逆加吳萸生薑湯。卽前方加吳萸生薑也。按吳萸生薑。降逆溫中。前方治熱厥往來。內有久寒者。加溫中其力益大。中溫則血熱。血熱則肝和也。余曾用此方治肝厥證之肢冷腹痛。汗出如油。唇紅脈伏。洩赤便閉。暈厥五日。一服而清。八劑全愈矣。

麻黃升麻湯。此方名以麻黃。是欲發厥陰之汗也。是厥陰之麻黃越婢也。前複方中已詳論其義矣。按血分傷邪。投之皆效。余曾假以治鼠疫結核。及大頭瘟。並獲奇效。可見經方證治。當求其本也。祇須邪入厥陰血分。無論何證。皆可施治。否則難求其效也。

乾薑黃連黃芩人參湯。六經下利。各有主方。此相火吐利之宜以芩連爲主者也。然有兼熱兼寒。兼表兼裏。故葛根黃芩黃連則以葛甘清表熱。此方則以薑棗溫裏寒者也。先師制方。面面俱到。吾人

大可效法。此方以理中之薑蓯。加芩連之瀉火。寒熱並用。膽熱胃寒之證。不能不用此芩連薑蓯也。

### 白頭翁湯

此方治肝熱下利後重之主方。以苦寒清熱平肝瀉火爲主。翁連秦蘗一氣貫通。肝清水達。

下重自輕。泄利自止。此又與桃花湯之便膿血不下重者。大有虛實寒熱之別也。切當注意。

### 四逆加人蓯湯

四逆本回陽之藥。一加入蓯。則陰陽並救矣。霍亂脈微利止。陰陽並亡。加入蓯以救陰。

不致陽回陰不復。按此方與白通通脈加膽二方。可稱鼎足而三。猪膽入厥陰。人尿入少陰。人蓯入太陰。審證擇方。見證加減。救陰救陽。盡在于斯矣。

### 理中丸

理中制方之義。已詳第八章十二節。今就其本方之加減論之。按理中與五苓。有虛實之別。五

苓陽實之方也。理中陽虛之方也。吐瀉之證。最易傷中。非用理中。無以復本。中又爲後天命脈之所寄。故爲吐利之主方也。可丸可湯。湯力更大。不比五苓之不可湯飲也。臍上築者。腎氣上衝。去朮之緩中。加桂之引陽歸腎。吐多亦去朮之緩中。加生薑之溫胃。下多則用朮以緩中氣。不致土崩瓦解。悸者。水凌心位。加茯苓以利水。渴者。中焦脾虛。恐水停作飲。故加朮以培土制水。腹痛者。陰不足。是胃非脾。不可加芍。當加入蓯以救陰。胃寒者。加乾薑以溫中。腹滿者。脾陽不化。腎水多寒。去朮之緩中。加附子之溫水。此理中加減法也。然此加減。屬補虛方面者。若兼實證。無妨加攻。

藥以救偏。

通脈四逆加豬膽汁湯。此湯與白通加膽同一意義。前已言之。加膽所以救陰。治吐已下斷。四肢拘急。脈絕。陰陽並亡者。非此莫救。但回陽則傷陰可慮。但救陰則陽更逃亡。加棗。加膽。加尿。大同小異也。

燒棍散

陰陽易病。以氣感而來。燒棍之方。以形類而治。所謂同氣相求者也。男子病。以婦人中棍隱處。

剪下燒灰。以水和服。方寸匕。小便即利。陰頭微腫則愈。而同床婦人尤效。若女子未作婦者。必無效也。若婦人病。取男子中棍。亦照法服之。證之小兒胎毒。取親母血棍燒灰外治。亦極驗。可見物理有不可思議者。

枳實。梔子豉湯

此方借以喻三陰之藥也。枳實。厥陰之藥也。梔子豉。少陰之藥也。大黃。太陰之藥也。可見三陰證。須服三陰藥也。若以此方治陰虛勞復食復者。亦極效。食復。則加大黃如博碁子大五六枚。蓋甚少之意云耳。清漿空煮。水熟殺菌。正是虛家之衛生法也。

牡蠣澤瀉散

牡蠣澤瀉。潛陽利水之方也。先師作病後三方。皆以救陰為主。大有意義存焉。按前六經

篇治法。偏重救陽。恐後人久習成風。偏於溫補。故結末久虛之證。處處用涼用攻。以救所偏也。澤瀉。海藻。商陸。葶藶。皆破水之藥。牡蠣。蜀漆。樓根。皆潛陽育陰之藥。救陰利水。治腰以下之腫脹病。

也。

小便利止後服。按先師於汗吐下利小便皆云汗出便利已吐尿利皆當止後服。見得治傷寒之法。

以不傷正氣爲主也。

竹葉石膏湯 此湯白虎之變方也。去知母加竹葉半夏人棧麥冬皆養陰生津下氣之品。治上焦陰虛。

氣逆之證。清熱卽所以救液也。以見大病之後並非陽虛一種而已。陰虛者亦比比然也。先師特作傷寒結末三方皆陰虛之證。卽所以補偏救弊。非聖知天慧。豈能若此。今之讀仲景書者動輒麻黃桂枝附子乾薑成見在胸。不過一知半解而已。吾人當速猛省。切勿草菅人命也。

